



WANTOK

Niuspepa bilong yumi ol PNG stret!

Wan Wik, Epril 14 - 20, 2005 NAMBA 1604 K1.00 long Mosbi tasol -Ausait Mosbi K1.30



OCEAN BLUE
Tuna in oil
Rait teist
yah!



CATHOLIC REPORTER bilong mun
Epril i stap insait.
Yu ken pulim rausim
pes 9, 10, 23 na 24 long niuspepa.

Rausim Su kros i stap yet - PES 3
Wol Nius - PES 16 - 17

Ileksen i op

Fraide, Epril 15 - Nominesen i op
Fonde, Epril 21 long 11 kilok -
Nominesen i pas
Wan wan kendidet i mas peim K500
Nominesen Fi
40 Sia bilong resis long en:
1 - Presiden
33 - Ol Konstituensi
3 - Ol Meri
3 - Ol bipo paitman

ILEKSEN bilong namba wan otonomas o nupela gavman bilong Bogenvil i stat tude taim ol i givim aut ol "writ" o pepa we i opim rot long stat bilong ileksen.

Veronica Hatutasi i raitim

Olgeta wok long ileksen i redi pinis na ol pipel bilong Bogenvil i stap sambai tasol long go insait long ileksen na kirapim dispela nupela gavman bilong stiaim wokabaut bilong ol bihain long ol i bin stap insait long hevi, pait na sindaun nogut long moa long 10-pela yia.

Long sait bilong sekyuriti tu, olgeta wok i orait na i nogat lain i wokim toktok long kamapim birua na bagarapim ileksen. Tu, singaut i go yet long Francis Ona long sanap resis long dispela ileksen na wok long kamapim gut Bogenvil na i ken kisim indipendens namel long 10 na 15 yia bihain long kirapim otonomas gavman.

Otonomas Bogenvil Gavman (OBG) Ileksen Menesa Mathias Pihei i askim olgeta pipel na grup long Bogenvil long wok bung wantaim bai ileksen i ken kamap gut na bai i nogat birua. Insait long seremoni bilong givim aut ol ilkesen pepa long nau apinun, Gavana John Momis na Bogenvil Pipels Kongres Presiden Joseph Kabui bai kisim ol pepa long han bilong Mista Pihei na ilektorel Komisnin.

Dispela bai kamap long Opis bilong Gavana long Buka long 4 kilok tude long ai bilong ol Bogenvil lida, ol sinia pablik seven, ol niulain, ol mausman bilong Nesenel Gavman, Yunaitet Nesens Obseva Misin, Federel Polis bilong Australia na pablik.

Givim aut bilong ol ileksen pepa tude i opim tu rot long ol kendidet i laik sanap resis long otonomas gavman i givim nem bilong ol na stat long karimaut wok kempen bilong ol.

I kam inap nau, Wantok Niuspepa i harim olsem 4-pela politikei pati i sanap pinis long go insait na kirapim nupela Bogenvil gavman.

● Nupela Bogenvil Pati em wanpela we Mista Momis i go pas long en. Pati i gat sapot long ol Melanisen Alaiens grup na ol bipo Bogenvil lida i gat Leo Hannet na Alexis Sarei i stap insait long en.

● Bogenvil Pipels Kongres Pati em narapela we Mista Kabui husat i bin primia bilong Bogenvil bipo long hevi i go pas long en.

I go moa long pes 2



Lainim na Save...

LUKAUTIM bodi em i bikpela skul bilong ol yangpela. Ol dispela manki i bin pulap kapsait wantaim ol pepa i givim stia tok long pasin bilong stap long gutpela laip we ol i kisim long Nesenel Helt Ekspo i kamap long Mosbi las wiken. Planti skul sumatin, papamama na ol manmeri nating i bin go raun long sekim bodi na helt bilong ol na kisim moa stia tok long rot bilong gutpela helti laip. Foto: ANDREW MOLEN

Mother's Day
Brian Bell
at Shop with a friend

WINIM HOME APPLIANCE PACKAGE BILONG MAMA!

BAIM SAMTING LONG OLGETA BRIAN BELL STOA NA KISIM SANS IGO LONG DRO BILONG WINIM GUTPELA PRAIS BILONG MAMA!

TRAMONTINA PACKAGE

NA PLANTI CONSOLATION PRAIS!

Polis Ripot

Sauten Hailans:

Haiwe patrol polis long Nipa insait long Sauten Hailans provins i holim pasim tupela saspek long dai bilong wanpela sumatin long Magarima Hai Skul long dispela wik.

Polis ripot i tok tupela spakman i bin go insait long skul as wik na wokim nabaut na kilim dai wanpela sumatin na pikinini bilong wanpela polisman husat i wok long polis fos longpela taim.

Provinsel Polis Komanda Superintenden Simon Niggi i tok of bai kisim bodi bilong dai sumatin i go long ples bilong em long ol i planim em. Em i hapkas Wes Sepik na Magarima. Papa bilong em i beis long Pimaka polis stesen.

Superintenden Niggi i tok tupela spakman i bin go insait long skul na katim sumatin wantaim naip bihain long ol i kros wantaim of sumatin. Em i tok pastaim, dispela tupela spakman i bin go insait long skul na strongim kona bilong ol long of sumatin i larim ol i go insait long haus slip long ol meri sumatin. Taim of sumatin man i les long larim ol, ol bin go bek na kisim ol naip samting na go bek long skul. Ol i flaim nabaut naip na kilim deai dispela pikinini man bilong polisman.

Bihainim dispela, ol bin pasim skul insait long tupela wik.

Sauten Hailans:

Ol wok painimaut i go het long 5-pela gan na 10-pela bokis katres ol polis i painim long Tabubil ples balus.

Na sapos ol wok painimaut i go olsem wanem, sampela polis opisa long rejistri ol i save rejistaim of gan i ken stap long trabel.

Sauten Rijen Polis Komanda Inspekta John Marru i tok wanpela man i bin kalap long balus long Pot Mosbi na i bin stap long tabubil ples balus taim ol sekyuriti long ples balus i wokim sekap na painim ol gan na ol katres.

Mista Marru i tok i bin gat wanpela narakain gan i olsem pistol namel long dispela 5-peloa gan na dispela i namba wan taim bilong ol long lukim kain gan olsem long PNG.

Em i tok tripela gan na tupela pistol i bilong dispela man na em i brukim lo long gat wanpela setifiket tasol bilong olgeta gan em i gat long en.

Em it ok saspek i brukim Paia Ams Ekt Seksen 9(4) we man i mas gat wan wan pemit long wan gan.

Em i tok ol i no holim pasim na sasim yet dispela man tasol ol i karimaut wok painim yet.

Enga:

Gan i kamap olsem bikpelas bisnis long Enga provins na tu, ol wanpisin i amamas long ol gan. Komiti long kisim tingting i bin harim dispela tok-tok long wanpela polis stesen komanda husat i bin toktok long Gans Komiti bung long dispela wik.

Timothy Pomoso i bin wokim dispela toktok long Gans Komiti bung long Wabag las wik. Mista Pomoso i wok long Enga long 17 yia olgeta i tok ol haus lain i gat ol gan i no save surik o pret bikos ol i gat ol gan olsem sekyuriti bilong ol. Na ol dispela i nogat gan i save stap wantaim pret. Na ol i no save sanap na toktok bikos ol i pret long wanem i nogat samting long sanap baksait long strongim ol.

Ileksen bilong Bogenvil Otonomas Gavman i op

I kam long pes 1.

Bogenvil Fridom Muvmen Pati em Bogenvil Pis Minista James Tanis i kirapim na em i askim Francis Ona long go pas long em na em i ken go insait long ileksen tu.

Bogenvil Leba Pati we narapela lida Joseph Watawi i go pas long en.

Wantok Niuspepa i harim olsem posisen bilong presiden long nau i gat tupela kendidet. Em long Mista Momis na Mista Kabui.

Tupela em ol bikman na top lida husat i gat bikpela luksave na sapot wantaim ol pipel bilong Bogenvil yet.

Planti toktok i wok long kamap long dispela tupela lida na ol toktok i soim olsem ol pipel i laikim tru long tupela i wok wantaim long kirapim na skruim nupela gavman bilong Bogenvil bikos tupela wantaim i gat ol narakain save na wei bilong ol we i ken sapotim wanpela arapela long ronim

gut dispela sip ol i kolim long otonomas gavman.

Olsem na planti manmeri long Bogenvil yet i laikim bai wanpela i mas kamap presiden na narapela i kamap namba tu bilong em.

Sampela i laikim Mista Momis long stap na makim Bogenvil long nesenel level olsem Rijenel memba. Tupela yet i save long laik na tingting ol pipel i gat tasol ol i tok em

i laik yet bilong ol pipel na dispela ileksen bai soim ples klia.

Wantok Niuspepa i bin kisim tingting long sampela manmeri long Buka long dispela samting.

Provins i laikim tupela lida na ol arapela Bogenvil lida tu long kirapim otonomas gavman. Mi laikim bai wanpela long ol i mas kamap presiden na narapela i namba tu bilong em. Momis i gat kain save na stail yet bilong em na wankain

long Kabui. I gutpela tru long tupela i ken wok wantaim na givim balens long lidasip.

Tupela i gat bikpela sapot long ol pipel na sapos wanpela i kisim posisen bilong presiden, narapela i mas kamap namba tu bilong em. Tupela wantaim i go insait olsem presiden na vais presiden bai kamapim gutpela lidasip tru long nupela Bogenvil otonomas gavman na tu, long rot bilong kisim ailan i go long independens, wanpela asples man long Buka yet i tok.

Ol ripot Wantok Niuspepa i kisim long Buka i tok wanpela komiti i sanap pinis long was long sekyuriti long taim bilong ileksen tasol i kam inap nau, nogat meknais i kamap na ol samting i go gut tasol.

Ripot i tok komiti i wok long raun pastaim long ileksen i stat na mekim wok aweanes insait long traim na bungim olgeta grup we Mekamui i stap insait tu long en.



Hatwok Karim Kalkai...4-pela sumatin i bin greduet las Fraide long namba 50 greduesen bilong Yunivesiti ov PNG, Waigani kempus em Ok Tedi Maining kampani i kisim ol long Greduet Progrem bilong em. Dexter Wagambie, Gloria Samiak, Denise Hatutasi na Deveni Temu. Foto: ANDREW MOLEN

CBC makim ol Katolik pipel na salim tok long Vatiken

VAIS Presiden bilong Konferens bilong ol Katolik Bisop long PNG na Solomon Ailan (CBC) Bisop William Kurtz SVD i makim maus bilong CBC na ol Katolik pipel na salim wanpela pas i go long Vatiken long soim tok sori long dai bilong leit Pop John Paul 2 las wik. Long wankain taim tu, pas i givim sapot long preia i go long ol Kadinel taim ol i bung long makim nupela Pop husat bai go pas long 1.4 bilien Katolik pipel long wol.

Pas i bin go long Kadinel Joseph Ratzinger husat i bos bilong ol Kadinel long Vatiken.

"Long makim Presiden bilong CBC em Asbisop Karl Hesse husat i stap long busples na harim dai bilong Pop na tu olgeta Katolik long PNG na Solomon Ailan, mipela i stap wantaim yupela long preia long tingim Santu Papa na yupela. Mipela i holim ol tok tenkyu lotu long laip na wok Pop John Paul 2 i bin mekim taim em i stap laip", hap pas i bin tok.

Caritas PNG tok tenkyu long helpim bilong olgeta

CARITAS PNG i laik tok tenkyu long ol planti manmeri long kantri husat i bin givim sapot wantaim mani long helpim ol pipel we sunami long Saut Esia i bin bagarapim long Disemba las yia na tu, ol pipel bilong Manam Aitan husat i bin kisim hevi long maunten paia.

Olgeta manimak bilong tupela apil Caritas PNG i bin kamapim inap long K232,000.

Long dispela mak, moa long K123,000 bai go long Saut Is Esia sunami apil na

Caritas i pasim buk bilong em long Mas 31.

Opis bilong PNG Caritas i tok olgeta etvestisimen i bin kamap long ol niuspepa na TV na ol beng trense long ol apil em

ogenaisesen yet i peim long en na nau ol wok i pinis, em i salim of mani long opis bilong Katolik Bisops Konferens na Kraisis senta bilong Caritas Indonesia. Olgeta narapela mani em i kisim bihain long dispela bai go long Manam apil, opis i tok.

Opis i tok long wankain taim em bin askim long helpim bilong ol Manam Ailan pipel na wantaim gutpela sapot long ol pipel husat i givim mani samting, em bin nap long bungim K109,000 i kam long Manam apil.

Opis it ok ol i salim pinis ol man ii go long Madang Asdaiosis i gat ol woklain bilong ol husat i wok long helpim ol pipel long graun na long wankain taim tu, toktok

wantaim Caritas PNG.

"Caritas PNG i salim bikpela tok tenkyu tru i go long olgeta wan wan manmeri, ol famili, Katolik Sios, ol arapela sios, ol komyunii, Dipatmen bilong Treseri na Fainens na ol arapela bikpela kampani husat i bin opim lewa na han na helpim bikos sapos nogat, bai mipela i no inap long givim gutpela helpim olsem," opis bilong Caritas PNG it ok.

Opis i laik tok tenkyu tu long ol niuspepa olsem Post Courier, The National na Wantok Niuspepa long daunim mak long peim ol advatisimen we em i putim nem na tok tenkyu long olgeta lain i bin givim helpim long dispela tupela apil.



Rausim su kros i stap yet

Neville Choi i raitim

NESENEL gavman i stopim pinis namba tu hap bilong ol polis manmeri bilong Australia long kam antap long PNG aninit long Enens Koporesen Program (ECP).

Sief Seketeri bilong Gavman Joshua Kalinoe na Seketeri bilong Foren Afes, Gabriel Pepson i bin tokaut long dispela las wik.

Gavman i mekim dispela samting bihain long gavman bilong Australia i tok ol bai no inap long tok sori long samting i bin kamap long Praim Minista Sir Michael Somare long Brisben ples balus long Australia.

Dispela samting i bin kirapim planti bel kros namel long ol manmeri husat i lukim olsem ol

sekyuriti opisa bilong Brisben ples balus i no bin givim luksave long Sir Michael olsem praim minista bilong Papua Niugini.

Namba wan bekim bilong gavman bilong Australia em Foren Afes minista bilong ol, Alexander Downer i bin givim i tok olsem dispela i bin kamap bilong wanem Sir Michael i bin ron long wanpela komesel flait o balus na i no bin i gat toksave long raun bilong em.

Tasol Minista bilong Foren Afes Sir Rabbie Namaliu na Mista Kalinoe yet i tok klia olsem ol maus man bilong PNG gavman long Brisben i bin tok klia long ol protokol opisa bilong Australia long raun bilong Sir Michael na i bin i gat ol opisa bilong Australia gavman i stap long bungim Sir Michael.

Bihain long dispela i kamap ples klia, Mista Downer i givim bekim olsem dispela askim long tok sori i wok long kam long PNG gavman bihainim pasin bilong ol manmeri long Papua Niugini na long ol arapela Melanesia kantri olsem mipela i save onaim ol bikman na lida bilong mipela.

Planti bel kros i wok long stap yet namel long ol wan wan lida bilong kantri.

Las wik gavman bilong Australia i bin tokim PNG gavman olsem ol bai glasim ol rot bilong sekim ol manmeri na bai ol i lukluk long noken larim dispela kain samting i kamap gen long Praim Minista Sir Michael Somare sapos em i raun i go olsem long Australia.



PRAIS bilong bensin insait long kantri i go antap gen na ol manmeri na bisnis wantaim i wok long kaikai tit. Hevi bilong bikpela prais bilong balus tiket i stap pinis, na nau bai mipela i mas givim moa mani long baim bensin na karasin. Wanpela draiva i wok long traime na glasim yet. Bilong wanem na Napanapa i stap na mekim bensin i stap na nau ol i apim prais yet? Olsem wanem, Napanapa i nogat strong?

DISPELA Wantok tu i tok olsem em i ting dispela Napanapa ples i kamap long rausim hevi bilong prais long baim ol bensin na arapela samting long ovasis i kam insait. Bilong wanem na mipela bai i mas baim moa yet?

BIKPELA amamas i bin bruk namel long ol wantok i lukim TV las wik Fraide long indai na matmat bilong leit Pop John Paul 2. Ol i no amamas long matmat bilong Pop, nogat. Ol i amamas taim ol i lukim Gavana Jenerel bilong mipela yet, Sir Paulias Matane i sanap namel long olgeta arapela lida bilong wol. Save i stap. Em i no karim nem bilong Kwin tasol. Em i karim nem bilong mipela olgeta wan wan manmeri bilong PNG i go long Rom.

NAMBA 30 krismas bilong PNG olsem wanpela in-dipenden kantri bai pundaun long dispela yia. Tasol hamas manmeri tete i save long olgeta hap bilong singsing nesenel antem? Yu save long olgeta toktok insait long Nesenel Plets tu o nogat? Ol dispela samting mipela i mas traime na lainim nau. Dispela kain bikpela de long makim 30 yia bilong kantri i no save kamap olgeta taim.

Sapos mipela i bilip long strong bilong kantri bilong yumi, bai yumi ken luksave long gutpela sindaun.

WANPELA wantok i wok long groim pamkin long haus bilong em tasol em i kirap nogut taim ol lip bilong pamkin i wok long winim ken mak bilong em. Nau groa bilong ol dispela lip pamkin i no pinis. Em i go yet. Wanpela wanwok i kisim tripela lip tasol na em inapim stret wanpela tin mit. Na hamas man i kaikai? Faivpela man olgeta. Yupela, i no lip ya!

Setelmen yut wokbung wantaim Red Kros



• Ol yut i kisim treading long lukautim manmeri i painim birua.

BIKPELA hevi bilong lo na oda em planti i save tok olsem ol yut tasol i save kamapim insait long bik siti Pot Mosbi na planti arapela hap insait long kantri tasol sampela yangpela manmeri i laikim gutpela luksave bai ol i ken helpim komyuniti bilong ol.

Insait long Mosbi siti wanpela gutpela wokbung i kamap namel long ol yut bilong ol setelmen na Papua Niugini Red Kros Sosaiti (PNGRCS) we i lukim planti yangpela man na meri i wok hat tru long kamapim gutpela sindaun namel long ol yut.

Stat long dispela wik ol yut long setelmen long Kesi ausait long Taurama Ami Bareks na ol yut bilong Mosbi Saut Distrik i wok long mekim wanpela kos bilong Pes Eid (FA) we i lukim tripela instrakta bilong PNGRCS i bungim ol yangpela yut na wok wantaim ol.

Yut Presiden bilong Mosbi Saut Distrik Meure Maleu i tokaut olsem dispela wokbung wantaim ol yut bilong lainim dispela gutpela skil bai mekim ol i kamap gutpela pipel insait long komyuniti bilong ol.

"Planti taim ol yut i save stap nating na mekim ol liklik wok bilong ol yet. Dispela save ol i kisim long pes eid bai i mekim ol kamap gutpela sitisen insait long ol komyuniti," Mista Maleu i tok.

Em i tok yet olsem Red Kros i opim dua we planti i ting olsem i pas pinis bikos ol i save ting olsem ol yut i save kamapim hevi tasol insait long ol komyuniti.

Koki Komyuniti Hol kodineta Philip Sylvester i tok tu olsem taim ol oganaisesen o gavman i luksave long ol yut long dispela kain we bai ol yut i pilim olsem ol i mas soim gutpela pasin na piksa bikos i gat bilip long samting ol i laik mekim insait long ol komyuniti.

Mista Sylvester i tok amamas tru olsem PNGRCS i bin givim taim na dispela treading ol i kisim bai i helpim ol yut long sevim laip bilong ol manmeri insait long komyuniti we ol yut i save stap long en.

Planti moa yut lida insait long siti i askim long ol arapela program bilong Red Kros i mas go insait moa yet long ol setelmen we bai ol yut i ken go pas long helpim ol yet.

Het meri bilong PNGRCS Jacqueline Boga i tok amamas tu long ol yut bilong Mosbi setelmen husat i bung long lainim nupela save bilong givim pes eid.



Danis Buka Stail... Em nau, taim bilong bihainim ol stail danis bilong ol Buka. Ol dispela man na meri turis i bin kalap bihainim danis bilong ol meri Buka taim bikpela sip bilong ol turis, Clipper Odyssey i bin sua long Buka long wik i go pinis. Olgeta pasindia long sip i bin laikim tumas ol manmeri ol i bungim long Buka. Ol i amamas tru na bungim K1700 samting bilong helpim ol projek long Bogenvil. Foto: SIR PETER BARTER

Madang laik kirapim bek kopretiv sosaiti

Michael Novingu i raitim

MADANG provins bai kirapim gen ol kopretiv sosaiti.

Ol koperativ sosaiti i bin stap bipo, tasol ol i stopim wok bilong ol long yia 1974.

Gavman nau i laik kirapim gen insait long Madang provins na ol arapela hap bilong dispela kantri.

Sinia Opisa bilong Tred na Industri Eruel Passangan i tokim ol manmeri husat i kamap long bung bilong ol olsem gavman bai statim gen ol dispela bisnis bilong kopretiv sosaiti insait long dispela kantri.

"Kopretiv sosaiti em i gutpela bisnis bilong ol lain long ples we ol manmeri i ken bung wantaim na putim mani long kirapim wok bisnis. Dispela wok bisnis i ken kamapim gutpela sindaun na servis i go insait long wan wan ples bilong yupela.

"Na tu, mani bai stap insait long ol ples bilong yupela," Mista Passangan i tok.

Em i tok gutpela bilong dispela bisnis kopretiv sosaiti em i gat tripela kain rot long kisim prais bilong em. Nambawan bai yu kisim prais o pe long wanem kain samting yu salim long kopretiv sosaiti bilong yu na namba tu bai yu kisim win

mani olsem ribet na dividen long pinis bilong olgeta yia. Dispela kopretiv sosaiti bai i no inap long baim takis i go long gavman long dispela kain wok bisnis.

Long wankain taim Ekting Edvaisa bilong Komes na Turisim na Industri long Madang, Kileng Kambar i tok dispela bisnis i gutpela long putim mani bilong yu insait long ples bilong yu yet na tu bai helpim ol liklik manmeri long ples long kisim bek win mani na kamapim gutpela sindaun na servis bai i go insait long ol komyuniti.

"Tred na Industri dipatmen i bin givim mani mak olsem K50,000 na Madang provinsel gavman long baset bilong ol i makim mani mak olsem K25,000 i kam long mipela long karimaut wok painimaut na lonsim dispela kopretiv sosaiti long mun Jun long dispela yia," Mista Kambar i tok.

Em i go moa na i tok "I mas i gat tripela liklik kopretiv sosaiti long wanpela distrik. Nau yet i gat 14 kopretiv sosaiti i gat laik long kamapim ol bikpela kopretiv sosaiti. Ol pepa wok bilong ol i stap yet wantaim mipela long tok orait i kam long gavman.

"Sampela kantri long Esia i lukim ol kopretiv sosaiti i wok gut tru. Bilong wanem na yumi PNG i no inap long kirapim?" Mista Kambar i askim.

Ol yangpela bilong Gerehu kisim helpim

GEREHU wod 11 yut kaunsel i ken go het long rejistaim ol yet na opim nupela opisa bilong ol bihain long BSP benk i givim helpim long ol.

BSP i givim wanpela komputa, tupela tebol na foapela failing kabinet i go long grup long helpim ol long kirapim ol wok bilong ol.

Dispela ol samting em long helpim grup long statim opisa bilong ol we ol i ken lukautim olgeta rekot bilong ol na wok bilong ol insait long komyuniti.

"Mipela i amamas tru long dispela ol samting BSP i givim na bai mipela i lukautim na yusim long gutpela wei," Presiden bilong grup, Philip Kassman i tok.

Em i tok dispela em i wanpela nupela grup ol i mekim long stat bilong dispela yia tasol na nau ol i laik mekim opisa bilong ol yet we ol i ken putim olgeta samting bilong ol long helpim wok bilong ol.

"Mipela i painim wanpela ples bilong mekim olsem opisa bilong mipela tasol ol samting bilong opisa mipela i nogat na nau BSP i helpim mipela long ol na mi amamas tru," Mista Kassman i tok.

BSP i givim kompyuta long ol las wik na long Mandel dispela wik ol i givim ol, ol tebol na kabinet.

Pablik rilesen opisa bilong BSP, Nicole Selu i tok dispela em i hap wok bilong BSP long tok tenkyu long ol pipol na tu soim olsem benk i stap long helpim o na lukautim ol.

"Mipela i save helpim ol komyuniti gup na ol grup husait i save mekim ol wok long helpim ol yet na ol komyuniti bilong ol," Mis Selu i tok.

Ol yut i bihain taim bilong kantri na ol manmeri i mas tingim ol na traime long helpim ol kamap long mak we ol i ken lukautim kantri long bihain taim.

- Andrew Molen

Hap Hap Nius

Bogenvil

Kabinet i salim pinis askim long ol intenesenel obseva long stap na lukluk long namba wan jenerel ileksen bilong Bogenvil Otonomas Gavman. Ol i wokim dispela disisen bihain long askim we Foren Afeas Minista Sir Rabbie Namaliu na Inta Gavman Rilesens na Bogenvil Afeas Minista Sir Peter Barter i toktok wantaim ol Bogenvil lida long las mun long Interim Join Supavaiseri miting long Buka.

Togel helpim

Not Bogenvil Minista James Togel i bin givim 21 Yamaha Autbot Moto i go long ol pipel bilong ol ples i longwe na i nogat gutpela trenspot sistem.

Em long Atols, Kunua, Kereaka na ol liklik ailan long Buka olsem Saposa, Pororan, Taiof na Petats. Mista Togel i tok ol dispela motobot bai helpim ol pipel na moa yet, long taim ol helt na ol arapela imejensi i kamap na ol i mas kisim ol siklain i go kwiktaim long haus sik long bik ailan na Buka Jenerel Haus sik.

Mista Togel i tok planti taim, ol dispela manmeri i no save kisim gut ol gavman sevis olsem helt na edukesen bikos ol i stap long ol liklik ailan na i hat long kisim sevis i go long ol.

Taim em i askim ol lain i kisim ol bot long lukautim ol gut, em i tok komyuniti i mas yusim ol bot long kisim sevis na i no bilong wan wan man i yusim long helpim em yet.

Gavman na Lihir Main i mas stretim ol papagraun

...Singaut long Sir Michael long stretim hevi

SINGAUT i go long Nesenel Gavman na Lihir Gol Main kampani long stretim pastaim ol papagraun bilong Lihir na ol i ken stretim ol narapela samting moa i sut long dispela.

Memba bilong Namatanai Byron Chan i wokim dispela singaut bihainim ol toktok i wok long i go na i kam namei long Maining Minista Sam Akoitai, Nu Ailan Provinsel Gavman na ol papagraun long Lihir long dispela samting.

Mista Chan i tok i moabeta long Gavman na Lihir Gol Main i stretim hevi na wari bilong ol papagraun long Lihir na ol i ken kisim ol royelti mani bilong ol

aninit long "Rivais Pekej".

Mista Chan i bin askim Minista Akoitai long toktok yet wantaim ol papagraun bilong Lihir bikos em i gat gutpela save long ol hevi long dispela eria. Em i tok tenkyu tu long Siaman Brown Bai bilong Indipenden Negosieting Komiti long sindaun na toktok wantaim ol grup i stap insait long dispela hevi na traim long stretim. Em bin tok tenkyu tu long Nimamar Lokol Level Gavman na ol pipel bilong Lihir long toktok, stretim na nau i gat dispela Integretet Benefit pekej o gutpela dil long manimak we ol papagraun bilong Lihir bai kisim.

Long wankain taim tu, han bilong Nesenel Alaiens (NA) pati long Nu Ailan i no wanbel na i no luksave long Yunaitet Risos Pati (URP) long pasin we ol i tok Mista Akoitai i mekim long i no givim aut

royelti peimen bilong Lihir Maining kampani i go long provins.

URP em i poroman pati wantaim NA na ol arapela pati long kamapim Nesenel Gavman.

Presiden long han bilong NA Pati long Nu Ailan James Soi i tok pasin we Mista Akoitai i wokim long holim bek ol royelti peimen i soim olsem URP i nogat luksave long Pangu Pati we i wanpela strongpela sapota bilong gavman.

Mista Soi i singaut long Praim Minista na ol sinia pati lida long gavman long agensim pasin we Mista Akoitai i wokim bikos dispela i kamapim hevi long ol 118,000 pipel bilong Nu Ailan provins.

Em i singaut long Mista Akoitai long tokaut tu long wanem as tingting em i no laik givim aut dispela royelti mani peimen bilong ol pipel na provins.

Buka amamas long namba wan intanesenel turis sip

Aloysius Laukai i raitim

SINGAUT i go long ol turis sip i raun i go long Bogenvil na stap longpela taim liklik long lukim ol naispela samting we ailan i gat long en.

Not Bogenvil memba James Togel i bin wokim dispela singaut taim em i tok welkam long 109 turis bilong Amerika na Yurop husat i bin kamap long Buka las wik Fonde long Intanesenel turis sip, MV Clipper Odessey.

Sip i bin sua long Buka nambis long 1 kilok las wik Fonde apinun we ol klaserel grup na pipel i bin givim ol bikpela welkam wantaim ol tumbuna singsing na danis.

Man i bin go pas long kisim ol turis na Provinsel Turisim opisa Joe Mokuma i bin tok welkam long ol bipo ol i go long Bel Isi Haus we Mista Togel wantaim Deputi Gavana Gerard Sinato na ol lain i makim ol bisnis haus i bung wantaim ol.

Kepten bilong sip i bin makim maus bilong ol turis na i tok promis olsem ol bai kam bek



• Kepten (lephan) bilong turis sip Clipper Odessey i bungim Mista Mokuma (rait). Inta Gavman Rilesens na Bogenvil Afeas Minista Sir Peter Barter i sanap lukluk i stap. Foto: ALOYSIUS LAUKAI

long Buka na Bogenvil long neks ya. Planti long ol turis i bin laik lukim ol ples i gat nem long Wol Woa 2 na planti i stap long bikples Bogenvil tasol nogat gutpela rot long go long en, na ol i no go long Bogenvil.

Kepten i bin tok amamas long gutpela na bikpela welkam ol bin kisim long mak bilong planti manmeri long Buka winim ol arapela ples we ol bin go long em.

Ol turis i bin lukluk raun i go long Hutjena Sekenderi skul, lukim WW2 banka long Hahela Katolik Misin na Rahats Botenikel Gaden. Bikos long ren, ol i no bin nap long go lukim biknem ston klostu long Sohano Ailan ol i kolim long Chebu Rock na tu, lukluk raun i go long Sohano Ailan na lukim Woa monument bilong ol Japan na ol hap hap balus na ol arapela samting bilong pait ol bin yusim long Wol Woa 2.

Akoitai bai glasim petisen bilong ol Namatanai pipel

MAINING Minista Sam Akoitai i bin kisim petisen bilong ol pipel long Namatanai Distrik na i tok em na lain bilong em bai glasim gut ripot na wokim disisen bilong ol long em.

Mista Akoitai i bin kisim petisen insait long wanpela liklik seremoni we Namatanai Memba Byron Chan i bin givim petisen i gat ol askim na laik bilong ol pipel long Namatanai Distrik long en.

Ol pipel i laikim bai dispela royelti mani bilong Lihir Main we Stet i holim i stap em ol i mas skelim gut long mak we i wankain na tilim i go long ol pipel insait long Nu Ailan provins.

Taim em i prisenim petisen, Mista Chan i bin tok "ol i mas karimaut rivi long tilim dispela mani na dispela i mas bihainim ol mak na skel long ol wok developmen i mas kamap long sosel, ikonmik eria na infrastraksa we i karamapim ol rot, bris na ol arapela bikpela samting moa we i helpim long

bringim sevis i go long ol pipel." Mista Chan i tok.

Em i no wanbel tu long ol ripot we Nu Ailan Provinsel Gavman i mekim long pablik long stap na divelopmen insait long Namatanai Distrik bikos em i tok em i no givim trupela piksa.

Insait long bung wantaim Minista Akoitai, Mista Chan i bin putim wanpela askim long Minista i glasim na skelim dispela 50 pesen o hap mak long K130 milien long Spesel Sapot Grent we gavman i no givim yet long Nu Ailan Provinsel Gavman.

Na taim ol i tilim dispela mani, sapos ol i ken givim 50 pesen o hap manimak long dispela i go long Namatanai Distrik long karimaut ol wok we bai bringim sevis i go long ol pipel.

I gat planti kankain toktok i save kamap long sait bilong maining, planti taim bikos ol manmeri i pilim olsem ol i no kisim wanpela gutpela helpim long ol main.



Ol Bogenvil sief singautim Ona long sapotim gutpela sindaun

Aloysius Laukai i raitim

OLGETA sief long Bogenvil i singaut long Francis Ona long go insait long wok bilong painim gutpela sindaun long Bogenvil na tu larim ol pipel yet i gat fridom long makim gavman ol i laikim.

Bihain long Mista Ona i bin kamaut long ples klia bihain long em i hait long 16 yia, ol sief na pipel i amamas long lukim na harim ol tingting bilong em.

Olgeta sief na ol lida bilong Nissan, Motlok na bikples long Bogenvil i serim wankain tingting long gutpela sindaun i mas kamap long Bogenvil.

Ol Bogenvil lida i bin stap long bung em long Vais Minista na Not Bogenvil memba James Togel, Gavana John Momis, Edministreta Peter Tsiamaili, Presiden Joseph Kabui, olupela memba Donatus Mola,

olpela Edministreta Sam Tulo na ol arapela lida moa.

Mista Tulo i bin singautim Mista Ona long sanap resis long Otonomas lleksen na makim ol pipel bilong em na maski long laik kamapim Monaki gavman we ol pipel bilong Bogenvil i no save long en.

"Monaki o kain gavman we i King i bos i no save stap long tumbuna taim yet long Bogenvil na i moabeta long Mista Ona i kam insait long wok bilong painim gutpela sindaun na sanap resis long ileksen," Mista Tulo i tok.

Olgeta lida i bin sapotim ol wok long painim gutpela sindaun na tok ileksen i mas go het.

Mista Momis i bin tok Bogenvil i mas lujkluk i go het tasol nau na dispela ileksen bai skruim ol wok na independens we ol pipel long Bogenvil i laikim i ken kamap.

Madang kisim nupela ilektoret

Michael Novingu
i raitim

MADANG provins bai i gat wanpela moa ilektoret.

Dispela tok orait i bihainim wanpela bung i bin kamap namel long ol lida, ol pipel, na ol presiden bilong ol lokal level gavman kaunsel insait long Madang Open ilektoret long Mande.

Ekting Madang Distrik Etministreta Lawrenes Pitor i tokim dispela bung olsem i gat nid long kamapim nupela ilektoret bilong wanem namba bilong ol manmeri long Madang Open ilektoret i go antap moa long 86,000 manmeri.

"Wanpela wok painimaut ilektoret Baundris Komiti i bin karimaut tupela wik i go pinis i soim olsem wanpela ilektoret i mas i gat 37,000 i go inap long 56,000 manmeri.

"Tasol ilektoret bilong mipela nau yet i gat 86,000 manmeri we i abrusim mak we wanpela ilektoret i mas i gat.

"Long dispela as na mipela i mas kamapim wanpela moa ilektoret," Mista Pitor i tok.

Em i go moa na i tok Karkar na Bagabag Ailan bai kamapim nupela ilektoret bilong em we ol bai bruk lusim

Sumgilba. Sumgilba bai i go insait wantaim Rempi, Vanuma na Almani eria long kamapim narapela ilektoret bilong em yet.

Long wankain taim, ol lida bilong Naho Rawa LLG kaunsel insait long Raikos distrik i singaut long ilektoret Baundris komiti long lukiuk long sabmisen bilong ol long lusim Raikos distrik na bung wantaim Usino Bundi ilektoret.

As bilong dispela em ol sevis i no save kam long ol.

"Wokabaut long Tauta gavman stesen i go long Raikos gavman stesen i 200 kilomita longwe na i go long Walium gavman stesen i 20 kilomita we em i moa klostu long wokabaut we mipela i ken traim long bringim ol sevis i kam long ol pipel bilong mipela," ol lida i tok.

Naho Rawo i stap insait tru long bikpela maunten we i nogat rot bilong kar i stap. Long dispela as na mipela i laik go insait long Usino Bundi ilektoret we bipo mipela i stap long em.

Sapos mipela i stap insait long Usino Bundi ating bai mipela i kisim ol gavman sevis.

Nau yet i nogat wanpela sevis i kam long mipela, ol i tok.



Raskol, Lukaut

...Nau ol manmeri bilong Wewak taun long Is Sepik provins i ken wokabaut wantaim bel isi. Ol polis i save wokabaut raun long taun long taim bilong wiken o potnait we planti manmeri i save brum i go long mekim soping.

Poto na stori: PATER JOSEF ROSZYNSKI SVD

Hap Hap Nius

Spak Brus

Wanpela yangpela man Is Sepik provins bai i kalabus inap long 4-pela mun bihain long kot i bin painim olsem em i bin ron long holim ol drak, mariwana o spak brus, we em i bin haitim insait long masis boks bilong em na raun long Gerehu bas stop long Mosbi long Januari 17.

Nambawan Brend...

Liklik Prais Tasol!

SEIVIM K100

K32
LONG FOTNAIT
\$799
DINAB PAIS

K699
KEB PAIS

DIPOSIT K1.00

ATA EN21-83N
21" KALA TV #103794
• NTSC pilal bek
• igat 255 chanal memori
Bipo Kes K299

SEIVIM K100

K18
LONG FOTNAIT
\$349
DINAB PAIS

K299
KEB PAIS

DIPOSIT K1.00

ATA DVD5148
DVD PLEA #114851
• pilaim DVD, DVD-R, DVD-RW, VCD, SVCD, CD, MP3-CD, CD-R, CD-RW
Bipo Kes K399

SEIVIM K200

K77
LONG FOTNAIT
\$2,069
DINAB PAIS

K1,799
KEB PAIS

DIPOSIT K1.00

PHILIPS FW-D750 #202919
DVD HI-FI SISTEM
• DVD-Audio/Video, DVD-R/RW, CD-R/RW, SVCD/VCD, MP3, jpeg • Inap long sensim 3pela CD
• G-Max tupela hipa pawa-draw sub-woofa
Bipo Kes K1,999

SEIVIM K300

K87
LONG FOTNAIT
\$2,299
DINAB PAIS

K1,999
KEB PAIS

DIPOSIT K1.00

PHILIPS FW-D596 #202920
DVD HI-FI SISTEM
• 3300 W PMPO • CD/VCD/CD-R/CD-RW/MP3 pb • 3 DVD senis • wOOx teknologi
Bipo Kes K2,299

SEIVIM K74

K14
LONG FOTNAIT
\$255
DINAB PAIS

K225
KEB PAIS

DIPOSIT K1.00

ENZER GA1418 #224787
CD REDIO KASET REKODA
• CD/RW • 2-wel spika • blu-pela pawa lait • 4-spika wantaim strapela pawa
Bipo Kes K299

SEIVIM K54

K11
LONG FOTNAIT
\$195
DINAB PAIS

K175
KEB PAIS

DIPOSIT K1.00

ENZER GA1408BB #224784
CD REDIO KASET REKODA
• CD/RW • 2-wel spika
• 4-spika wantaim strapela pawa
Bipo Kes K299

*Ol prais bilong mipela iken senis eni taim, balm nogat toksave, dispela kago istap long dispela edvetismen em ibin stap long taim bilong mekim kamap dispela edvetismen. Yu mas luksave olsem sampela taim dispela kago bai ino inap stap long olgeta stoa bilong mipela. Plis go na askim long Courts stoa klostu long yu.

NARI redi long open de

NESENEL Agrikalsa Risets Institut (NARI) i stat pinis long redi long bikpela open de bilong em we i save kamap long olgeta yia.

Dispela yia, Open De bai i kamap long namba 5 de bilong mun Mei bai em i pundaun long namba 8 aniveseri bilong NARI.

Dispela bikpela open de we i save pulim planti manmeri tru bai kamap long Sir Aikan Tololo Risets Senta long Bubia ausait long Lae siti.

Bihainim lukluk bilong gavman long strongim agrikalsa na rurel developmen, Institut i makim "Improved Technologies for Agricultural Development" olsem het tok bilong open de long dispela yia.

Ol samting we bai i kamap em ol displela, rot bilong yusim ol nupela agrikalsa masin na ol wok trening.

Ekting Dairekta Jenerel bilong NARI, Dokta Sergie Bang i tok ol dispela open de em i wanpela bikpela hap wok bilong NARI.

The Courts Price

Liklik Prais Long Olgeta Hag!

COURTS

Edim valu **OLGETA** deil!

COURTS - GORDONS BRANCH
Spring Garden Road., Gordons, Port Moresby
Phone: 302 5808 • Fax: 325 4149
• E-mail: sales@courts.com.pg

POWERHOUSE

STIMULATE YOUR SENSES

COURTS - LAE BRANCH
Milfordhaven Road., Lae, Morobe Province
Phone: 472 4800 • Fax: 472 4621
• E-mail: courts_lae@courts.com.pg

CIA-102/05

Hap Hap Nius

Minista Belhat

Minista bilong Edukesen, Michael Laimo i autim belhat bilong em long birua i bin kamap long Magarima Hai Skul long Sauten Hailans provins we tupela spak man i bin kilim wanpela gret 9 skul sumatin na pasim skul inap tupela wik olgeta. Mista Laimo i salim tok sori bilong em i go long famili na ol poroman bilong dispela yangpela sumatin i lusim laip bilong em taim em i traim long stopim dispela tupela man bai ol i no inap bagarapim ol arapela sumatin. Em i singaut long polis long holim pasim dispela tupela man na mekim save long ol bai ol i no inap mekim wankain pasin gen.

Mobail Skwat 9 kisim luksave bilong pipel

MOA long 25,000 manmeri bilong Tari Pori, Komo-Magarima na Koroba Kopiago ilektorek i bin bung long Tari long lukim makim bilong wanpela polis mobail skwat.

Komisina bilong Papua Niugini Royal Konstabulari wantaim ol arapela sinia polis man i bin kam long lukim dispela bikpela samting.

Mobail Skwat 9 em mobail skwat husat bai i sindaun long Tari na lukautim Sauten Hailans, Enga na Wabag. Tasol hetkwata bilong ol bai i stap long Tari stret.

Polis Komisina Sam Inguba i tokim ol polis man bilong Mobail Skwat 9 long wok bung wantaim komyniti na ol sios yut na ol non gavman ogenaisesen na kamapim gutpela sindaun.

Bihain long en bai ol pipel i ken luksave long sevis na developmen i kamap insait long ples bilong ol.

- Timon Henry

Goroka redi long bikpela bung bilong ol Pasifik lida

James Kila i raitim

BIKTAUN bilong Isten Hailans provins, Goroka, nau yet i wok long lukim planti ol gutpela wok i kamap long klinim na stretim ol ples long redi long bikpela bung bilong Pasifik Ailans Lidas Konfrens.

Dispela bung bilong ol lida bai lukim olgeta lida bilong Pasifik Ailans bai kamap long Goroka long mun Ogas long dispela ya.

Dispela bikpela bung bilong Melanesian Spiahet Grup em namba wan taim bilong en tru long kamap long Isten Hailans provins olsem na ol provinset gavman lida i amamas tru na redi long stretim ples long dispela bikpela samting bai kamap long ples bilong ol.

Stat long las tupela wik i go pinis ol lain bilong provinset taun atoriti i wok hat tru long stretim ples na rausim ol bikpela gras arere long ples balus bilong Goroka na tu ol banis arere long taun.

Wanpela meri Kerryn Flynn i go pas long kisim ol mama na ol yut grup insait long ol setelmen na viles arere tasol long Goroka taun long wok long dispela kontrak long klinim ples. Planti ol dispela lain i wok long wok arere long Epot Rot long Goroka.

Ol mama bilong Genauka setelmen we i stap arere tasol long Goroka taun i wok long bisi tru long kamautim ol gras na klinim arere bilong ol plaua gaden taim *Wantok Niuspepa* i bungim ol las wik.

Goroka em wanpela naispela na klinpela taun bipo long taim planti waitman na ol bikpela bisnis olsem Talair na Collins & Leahy i bin gat hetkwata bilong ol long Isten Hailans. Dispela provins i gat naispela weda o klaimet bilong en we planti ol ovasis lain manmeri i save laikim tru.

Goroka i bin gat nem tu long stap insait long Guinness Book of Record olsem klaimet bilong en i naispela tru insait long wol. Long tok inglis ol i kolim em olsem "Land of Eternal Springtime".

Tasol stat long 1990s i kam daun olsem planti ol samting long taun i bin go bagarap na dispela i



• Ol mama bilong Genoka setelmen i klinim plaua gaden arere long banis long Goroka ples balus. Foto: JAMES KILA

lukim tu ol wok bisnis i lusim Goroka na muv i go nabaut long ol arapela senta.

Wanpela papagraun na komyniti lida bilong Faniufa viles insait long Goroka taun Jo "Sosisman" Hanamo i tok amamas i go long Nesene Gavman long luksave gen long Goroka na bringim dispela bikpela bung bilong ol Pasifik Ailans lida i go antap long Goroka.

"Mipela ol Goroka pipel em ol gutpela lain pipel. Mipela i no save mekim trabel. Mipela ol lain bilong stap isi na onaim lo na oda.

"Olsem na kain bikpela bung i kam long ples na taun bilong mipela i bringim bikpela amamas tru long bel bilong mipela ol lokal Gahuku pipel na tu ol manmeri insait long Goroka taun," Mista Hanamo i tok.

Narapela bikpela samting tu we bai kamap long Goroka taun long mun Me em PNG Kopi Festival na Tred Fe. Dispela bikpela selebresen i save lukim planti ovasis turis i kapsait long Goroka, olsem na kain wok bilong klinim na mekim ples i luk nais em gutpela tru.

Sik AIDS aweanes go insait long Bihute

James Kila i raitim

OL LAIN wokmanmeri bilog Isten Hailans Provinset HIV/AIDS Kaunsel i bin makim histori stret taim ol i go insait tru long kompaun bilong ol lain kalabusman long Bihute long Goroka na givim toktok long sait bilong dispela bikpela sik nogut we i kilim planti manmeri tude insait long wol.

Siaman bilong Isten Hailans provinset HIV/AIDS Kaunsel, Ian Kapu wantaim ol arapela wokmanmeri bilong Helt Dipatmen insait long provins i bin go na stap na toktok wantaim ol lain kalabusman long Bihute insait tru long kompaun bilong ol kalabus.

Dispela lonsing bilong HIV/AIDS aweanes i laik karim toksave na skul i go long ol lain kalabusman long lukautim skin bilong ol yet taim ol i pinis kalabus na i go ausait long banis.

Mista Kapu i givim bikpela toktok



• CIS opisa John Marme i givim toktok insait long Bihute haus kalabus. Foto: JAMES KILA

tru olsem dispela sik HIV/AIDS i bikpela hevi tru long planti kantri long wol. Planti manmeri i dai long dispela sik na ol liklik pikinini turangu i painim

dispela sik bikos ol lain papamama bilong ol i gat dispela sik na i givim ol. Dispela aweanes long Bihute haus kalabus em wanpela CIS opisa yet,

John Marme i go pas long en long givim skul na toksave i go long ol lain kalabusman long wanem samting dispela sik nogut i ken mekim na tu wanem kain ol rot i stap long traim helpim long daunim dispela sik i go bikpela insait long komyniti.

Komanda bilong Bihute CIS, Charles A'au i tokaut olsem dispela aweanes em nambawan taim tru long ol ausait ogenaisesen i kisim i go insait long kalabus banis.

"HIV/AIDS em wanpela bikpela samting tru na olgeta gavman long wol i wok long lukluk long en na givim moa toktok na luksave long en.

"Dispela em wanpela bikpela sosol hevi insait long kantri we i ken bringim hevi long olgeta kain level bilong sosaiti long komyniti.

"Olsem na yumi olgeta i gat wok long mekim long bringim toksave i go long wan wan famili bilong yumi na komyniti bilong yumi," Mista A'au i tok.



NOKEN BAGARAPIM OL PIKININI!



WANTOK
i go pas long dispela kempen!

Oro kisim fiseris opis Man kisim mekimsave long bagarapim yangpela meri

Nesanel Fiseris Atoriti (NFA) i opim wanpela opis bilong ol long Noten provins (Oro).

Las wik ol opisa bilong nesanel na provinsel gavman i sainim wanpela wanbel pepa o agrimen we i tok orait long go het na opim dispela opis.

Eking provinset edministreta, Ross Ungaia, i tok olsem provins i gat planti ol risos na fiseris em i wanpela bilong ol.

"90 pesen (%) bilong ol dispela risos em bilong ol lokal manmeri na dispela nupela opis em i makim mak bilong developmen insait long

provins," em i tokim ol nesanel opisal, husat bos bilong NFA, Sylvester Pokajam, na Siaman bilong NFA, Bamake Rumbam, i go pas long en.

Mista Ungaia i tok olsem opis bai helpim ol manmeri long kisim mani bilong ol yet na i gutpela sans bilong ol manmeri na NFA long wok bung wantaim.

Mista Rumbam i strongim dispela toktok na tok olsem dispela wanbel i gutpela long wanem em i strongim wok bung wantaim namel long provinset gavman na NFA tu.

Waigani Nesanel Kot long Nesanel Kapitel Distrik i givim mekimsave long wanpela man husat i bin reipim o hofim pasim na bagarapim wanpela yangpela meri husat i bin gat 7-pela krismas tasol long 8 Mail, ausait long Mosbi.

Kot i salim em i go long kalabus long laip o stap inap em i dai insait.

Dispela man em Amos Ango, husat i gat 42 krismas, na i bilong Koroba long Sauten Hailans provins.

Jas bilong Nesanel Kot, Jastis

Panuel Mogish, las Fraide, i bin mekim dispela disisen long laip kalabus bihain long em i bin painimaut olsem Ango i bin rong long reipim dispela yangpela meri, nau husat i gat 9-pela krismas, long haus bilong famili bilong em long Mas 26, 2003.

Ango i save stap wantaim yangpela meri em i bin reipim na famili bilong em.

Ol medikel ripot i soim olsem dispela yangpela meri i bin kisim bikpela bagarap long dispela birua.

Hap Hap Nius

Pipia Pulap

Ol manmeri long Nesanel Kapitel Distrik (NCD) i mas noken salim ol samting olsem smok, buai o ais blok long ol bas stop bikos dispela pasin i wok long kamapim planti pipia long ol dispela hap, Eking Siti Menesa bilong NCD, Iva Kola, i tok. Misis Kola i tok olsem i gat ol maket we gavman i makim we ol manmeri i ken salim ol dispela samting na ol mas noken salim long ol narapela hap.

Kalabus

Sampela o kalabus long Alotau, Milen Be provins, i wok long putim ol paip bilong wara i go insait long graun long wanpela nupela hap we planti haus i stap. Dispela em i hap wok anitit long rihabilitesen program bilong ol o program bilong helpim ol senisim pasin nogut na i go bek gut insait long komyniti bihain long ol i pinisim kalabus bilong ol. 11-pela bilong ol i bin mekim dispela wok.

Maski Politik

Taun meya biong Popondetta, Noten provins, i singaut long ol kaunsela bilong ol wod bilong em long stopim ol pilai politik bilong ol na stat long givim gutpela sevis long ol manmeri. Em i mekim dispela toktok bihain long wanpela grup bilong ol kaunsela i bin wokabaut i go ausait long namba wan bung bilong Popondetta Eben Lokel Level Gavman.

Wari long Oro baset

PLANT! ol nesanel na provinset lida bilong Noten provins (Oro) i no amamas long provinset baset we ol i givim i go long Dipatmen bilong Fainens.

Ol i tok ol i no bin redim gut na glasim gen 2005 provinset baset bilong ol bipo long em i go long Dipatmen bilong Fainens bikos taim dipatmen i makim long ol long kamapim dispela baset long en na salim i go long ol i sot tumas.

Ol lida bilong provins i gat planti askim long dispela K23 milien baset, kain olsem wanem rot stret ol i bin bihainim long kamapim?

Presiden bilong Oro Be Lokel Level Gavman, Timothy lewa, i tok olsem i no inap paitim tok i bin kamap namel long ol ejensi o opis husat i bai karimaut ol wok bilong provins long

mani insait long dispela baset.

Mista lewa i tok olsem ol menesa bilong provinset program menesa na ol etvaisa o save manmeri bilong givim tok stia, i no bin gat sans long givim tingting bilong ol long dispela baset.

Em i bin gat bikpela askim tu long makim bilong wanpela saveman bilong takis, husat i sasim K100,000 long wok bilong em, na i no bin bihain stret Fainensel Menesmen Ekt 1995.

Siaman bilong Fainens, Hankin Emboge, husat i bin givim baset i tok olsem em i wanbel wantaim ol toktok bilong Mista lewa, tasol taim i bin sot tumas na wok bilong ol i bin long kamapim baset hariap.

Gavana bilong Noten provins, Bani Hoiva, i bin wanbel wantaim toktok bilong Mista Emboge.

Benk helpim Jubilee Sekenderi Skul


JUBILEE Sekenderi Skul i kisim tupela nupela kompyuta long Bank South Pacific (Benk Saut Pasifik, BSP) las wik.

Dispela skul long Nesanel Kapitel Distrik (NCD) we i nogat inap kompyuta bilong ol sumatin long yusim. Maths dipatmen tasol bilong skul i bin gat kompyuta.

Benk Saut Pasifik i bin givim dis-

pela kompyuta i go long skul bihain long Rilijes Edukesen Kodineta bilong skul, Josephine Dromenge, i bin raitim wanpela pas i go long ol na askim long dispela helpim.


Bipo ol sumatin i save yusim ol kompyuta bilong edministresen long taipim ol singsing bilong liteji, tasol nau ol i gat ol kompyuta bilong ol yet long mekim dispela wok.



Pikinini Goi... Ol pikinini bilong Goilala i sanap wetim ol lida bilong gavman long kam long opim bilong Goilala Distrik Treseri Opis long Tapini, Sentral provins, long Tunde.

Minista bilong Fainens na Treseri, Bart Philemon, i bin makim Praim Minista Sir Michael Somare, na i bin go long dispela bung bilong opim opis, we em na ol manmeri long hap i bin kilim wanpela pik na amamas na kaikai wantaim long makim dispela de. Ol manmeri i bin givim em wanpela meme long karim i go bek long Mosbi.

Foto: OPIS BILONG GAVANA BILONG SENTRAL PROVINS




Discover...

The All-New

HIACE

Ela Motors



TOYOTA

- ❑ Bigger 3.0Lt Engine
- ❑ 16 Seater LWB
- ❑ Bigger Cargo Capacity
- ❑ More Safety Features
- ❑ Improved Stability and ride comfort

DISCOVER A WHOLE NEW WORLD OF DRIVING AT ELA MOTORS TODAY

For More Information Contact: Port Moresby Ph 3229400 Fax 3217258 or Lae Ph 4781800 Fax 4722463

Unggai maunten pipel singaut long gutpela rot

James Kila i raitim

OL PIPEL bilong Nambayufa na long hap bilong Orumbafoe i mekim bikpela singaut i go long Isten Hailans provinsel gavman na MP bilong Unggai-Bena ilektoret, Benny Allan long stretim rot i go long eria bilong ol long kisim gutpela sevis.

Ol i bin mekim dispela toktok wantaim Wantok Niuspepa i no long taim i go pinis taim ol i lonsim nupela koporetiv sosaiti bilong ol long orumba long Unggai maunten.

Wanpela mausman bilong Orumba yet, Tony Lumbalumba i singaut strong i go long Isten Hailans provinsel gavman na Mista Allan long luksave long krai bilong ol pipel bilong em bikos i gat kopi na ol arapela gaden kaikai i stap long eria bilong ol tasol nogat gutpela rot long kisim ol dispela samting i go salim long Goroka taun.

Rot we i go long ol lain pipel bilong orumba na Nambayufa i bagarap tru na ol 4 wil draiv ka tasol i ken ron long dispela rot. Maski olsem i gat planti pipel long dispela ol eria, rot i bagarap na ol pipel i no save kisim ol sevis olsem na ol i laik provinsel gavman na lokol MP bilong ol i lukluk i go

insait long dispela samting na helpim ol.

Planti gutpela toktok i bin kamap long dispela taim we i lukim ol hetman bilong 4-pela klen o hausman i givim tingting bilong ol long sapotim dispela gutpela wok bilong koporetiv na promotim wok kopi insait long viles na hauslain komyuniti bilong ol.

Ol komiti bilong Fanowa koporetiv i bin salim toksave i go long memba bilong Unggai Bena, Benny Allan tasol em i no bin kamap. Nogat wanpela wokman bilong Unggai-Bena distrik i bin stap wantaim ol pipel long dispela taim.

Man husat i bin go pas long kirapim dispela Fanowa kopi groas koporetiv em Samuel Fuemba, husat em wanpela pikinini bilong Orumba yet na bipo em i save wok olsem wanpela kopi ekstensen opisa wantaim Kopi Industri Koporesen (CIC).

"Wantaim dispela 15-ya save bilong mi wantaim CIC olsem ekstensen opisa mi laik karim dispela save i kam long helpim ol pipel bilong mi long ples na ol i ken luksave olsem kopi em wanpela bikpela samting tru we i ken senisim laip na sindaun bilong ol long haus lain sapos ol i givim moa taim na tu wok bung wantaim long

mekim wok i kamap," Mista Fuemba i tok.

Koporetiv maketing kodineta bilong CIC, Bernard Goma i givim bikpela tok salens i go long ol yangpela manmeri long yusim gut taim bilong ol long mekim wok. Em i tok ol yangpela i noken westim taim bilong ol long raun nating long Goroka taun na pilia dat na kas nabaut.

"Yupela noken guria long lukim lait na kappa i sain daunbito long Goroka taun na ron bihainim. Putim han bilong yupela long graun na mekim wok na bai yupela i lukim mani," Mista Goma i tok.

"Papa God i givim yupela naispela san we i karim ol gutpela samting olsem ka, haus kappa, gutpela klos na ol arapela samting i kam. Tasol yupela i no yusim gut dispela san na ol arapela i win na kisim na yupela i stap lus yet," Mista Goma i mekim dispela tok olsem tok piksa long dispela bikpela bung.

Siaman bilong PNG Kopi Groas Federesen (PNGCGF), Mista Yogiyo, husat i bin wok bipo olsem jenerel menasa bilong CIC Ekstensen Sevis Divisen i stori long histori bilong kirap bilong federesen na tu wanem rot dispela kampani i bihainim long salim kopi bilong ol fama i go ovasis na



Sore

DAI bilong Santu Papa i bin sutim tru bel bilong planti manmeri hia long PNG. Ol dispela lain man, meri na pikinini long ples Mundanghai long Is Sepik provins i bin sore tru long dai bilong em. Tasol ol i bin amamas long lukim ol nius i kamap long TV na tu long ol niuspepa. Ol lain long bus na taun i bin amamas long Wantok Niuspepa i putim ol gutpela stori na piksa i soim wok na laip bilong Karol Jozef Wojtyla olsem John Paul 2 na ol i lukluk i stap.

Foto na Stori: PATER JOSEF ROSZYNSKI SVD

bringim mani na sevis i kam long kantri.

Mista Yogiyo i tok olsem as tingting bilong kirapim federesen long PNG em long senisim laipstail bilong ol manmeri insait long viles na hauslain komyuniti insait long PNG.

Em i tokim ol pipel tu olsem PNGCGF i mekim wok we i go wantaim polisi bilong nesenel gavman long "Ekspot Driven Ikonmik Rikavri" polisi.

Mista Yogiyo i tokim ol pipel tu olsem ol groas nau i gat wanpela

kampani we i rejista pinis long Amerika em nem bilong en Coffee Pacifica na hetkwata bilong en i stap long Las Vegas, Nevada. Dispela kampani long Amerika i stap long helpim na salim kopi bilong ol fama na tu wok anit long lo bilong mekim bisnis long Amerika.

"Yupela ol pipel bilong Fanowe i noken westim taim bilong yupela. Planim moa kopi na yupela i ken senisim laip bilong yupela," Mista Yogiyo i tok.

Lotto Limited i amamas long kamapim

4 moa isi wei long winim dispela jackpot we i go ova pinis long K170, 000.



 INTERNET: lotto1@datoc.com.pg	 TELEPHONE: 325 8808 / 1891801
 FAX FACSIMILE: 325 7007	 MAIL P.O. Box 1544, POM

Sapos i nogat Lotto Terminal insait long eria bilong yu

Noken wari. Nau wantaim Dispela isi Lotto long kisim, yu ken gat sans long winim dispela Jackpot!

1. Sekim na makim namba long wanwan gem yu laik pilai na pulapim dispela gem kad. Bihain tikim wanpela bilong ol boks long ol wanem kain gem yu laik pilai.
2. Filim apim gem kad na salim stret hamas mani orda yu peim i kam long Lotto LTD o putim long BSP Akaunt # 1000585894
3. Taim ol Lotto LTD i kisim namba bilong yu bai ol i putim i go long dro. Bai ol i salim bet risit bilong yu i kam bek long fax, leta boks o wanem kain wei yu laikim. Bai Lotto i no

inap kisim potokopi ansa.

"KWIK POT"

- Larim kompiuta makim namba bilong yu

"SYSTEMS"

- Makim moa namba long gat planti moa sans long win!
- Long sistem 5, ol i makim pinis wanpela bilong ol droa namba bilong yu

"EDVENS DROA"

- Makim sem namba long 2, 5, 10 o 20 konseketiuv droa. Kos bilong em bai i kamap long hamas pei bilong single droa yu peim taim dispela namba bilong konseketiuv droa long wanem gem kad yu makim.

GAME 1	GAME 2	GAME 3	GAME 4	GAME 5	GAME 6	GAME 7	GAME 8
01 02 03 04 05 06 07 08 09 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50	01 02 03 04 05 06 07 08 09 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50	01 02 03 04 05 06 07 08 09 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50	01 02 03 04 05 06 07 08 09 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50	01 02 03 04 05 06 07 08 09 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50	01 02 03 04 05 06 07 08 09 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50	01 02 03 04 05 06 07 08 09 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50	01 02 03 04 05 06 07 08 09 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

TYPE OF GAME NOW WORTH TO PLAY	SYMBOLIC GAME CHARGE & NUMBER(S)	SYSTEM FIVE NUMBER 5	SYSTEM SEVEN NUMBER 7	SYSTEM EIGHT NUMBER 8	SYSTEM NINE NUMBER 9	SYSTEM TEN NUMBER 10	SYSTEM ELEVEN NUMBER 11	SYSTEM TWELVE NUMBER 12
ONE GAME	<input type="checkbox"/> K24.00	<input type="checkbox"/> K3.50	<input type="checkbox"/> K14.00	<input type="checkbox"/> K22.00	<input type="checkbox"/> K35.00	<input type="checkbox"/> K52.00	<input type="checkbox"/> K78.00	<input type="checkbox"/> K117.00
TWO GAMES	<input type="checkbox"/> K48.00	<input type="checkbox"/> K7.00	<input type="checkbox"/> K28.00	<input type="checkbox"/> K44.00	<input type="checkbox"/> K70.00	<input type="checkbox"/> K104.00	<input type="checkbox"/> K156.00	<input type="checkbox"/> K234.00
THREE GAMES	<input type="checkbox"/> K72.00	<input type="checkbox"/> K10.50	<input type="checkbox"/> K42.00	<input type="checkbox"/> K66.00	<input type="checkbox"/> K105.00	<input type="checkbox"/> K156.00	<input type="checkbox"/> K234.00	<input type="checkbox"/> K351.00
FOUR GAMES	<input type="checkbox"/> K96.00	<input type="checkbox"/> K14.00	<input type="checkbox"/> K56.00	<input type="checkbox"/> K84.00	<input type="checkbox"/> K140.00	<input type="checkbox"/> K210.00	<input type="checkbox"/> K315.00	<input type="checkbox"/> K472.00
FIVE GAMES	<input type="checkbox"/> K120.00	<input type="checkbox"/> K17.50	<input type="checkbox"/> K70.00	<input type="checkbox"/> K105.00	<input type="checkbox"/> K175.00	<input type="checkbox"/> K262.50	<input type="checkbox"/> K393.75	<input type="checkbox"/> K579.00
SIX GAMES	<input type="checkbox"/> K144.00	<input type="checkbox"/> K21.00	<input type="checkbox"/> K84.00	<input type="checkbox"/> K126.00	<input type="checkbox"/> K210.00	<input type="checkbox"/> K315.00	<input type="checkbox"/> K472.50	<input type="checkbox"/> K708.00
SEVEN GAMES	<input type="checkbox"/> K168.00	<input type="checkbox"/> K24.50	<input type="checkbox"/> K98.00	<input type="checkbox"/> K147.00	<input type="checkbox"/> K245.00	<input type="checkbox"/> K367.50	<input type="checkbox"/> K551.25	<input type="checkbox"/> K819.00
EIGHT GAMES	<input type="checkbox"/> K192.00	<input type="checkbox"/> K28.00	<input type="checkbox"/> K112.00	<input type="checkbox"/> K168.00	<input type="checkbox"/> K294.00	<input type="checkbox"/> K441.00	<input type="checkbox"/> K661.50	<input type="checkbox"/> K987.00

I have deposited / now enclosed money order K _____ BSP

Bank on _____ (date) payable to The Lotto Limited

Name: _____

Signature: _____

Address: _____

Date: _____

Tel No.: _____

Fax No.: _____

Keep this for future entry

Mipela laikim sapot bilong gavman

Veronica Hatutasi i raitim

SINGAUT i go long Nesenel Gavman na ol lain i save givim helpim ol i save kolim ol Ed Donas long givim mari long mekim wok aweanes long sik bilong ol meri i go aut long ol provins na ol rurel eria.

Sampela mama i bin wokim dispela singaut long taim bilong Nesenel Heft Ekspo we i bin kamap long las wik Sarere na Sande long Sir John Guise Indo Stadium.

Carol Tarere na Fiona Kovingre em tupela mama i bin makim ol arapela meri husat i bin kam long Ekspo na i wet long lukim dokta na tu ol arapela mama long ol provins na wokim dispela singaut.

Tupela i bin autim tok wari bilong ol long planti mama i wok long dai long sik kensa bilong susu na kensa long bilum bilong karim bebi (cervical cancer, sevikel kensa).


"Taim mi harim save long Nesenel Heft Ekspo na moa yet, mi painimaut olsem ol meri dokta i stap long lukim na sekim ol mama long sik i save daunim ol mama long en, mi kam stret.

"Mi yet mi lukim planti meri long Is Sepik provins i wok long dai long dispela tupela sik (kensa bilong susu na bilum bilong karim bebi).

"Mi save stap long Wewak tasol mi kam long Mosbi long sampela wok na mi laik long kam long ekspo na dispela gutpela na fri sevis long sekap na kisim ol toktok aweanes i stap.

"Bai mi kisim ol dispela toktok na go autim long ol susa bilong mi long ples. Em i gutpela tru long ol meri dokta nau i sekim ol meri bikos planti taim, mipela ol mama i save sem long ol man dokta," Misis Tarere husat i mama bilong tripela pikinini i tok.

Misis Kovingre i bin tok ol meri long Mosbi i laki bikos ol sevis i stap long ol i kisim helpim. Tasol em i laikim bai ol skul aweanes long dispela sik na rot we ol i ken luksave na traim stopim i ken go aut long ol mama i stap long ol provins na



• Dokta Evelyn Lavu em wanpela blut speselis dokta i sekim wanpela mama long Nesenel Heft Ekspo las wik Sarere. Foto: VERONICA HATUTASI

rurel eria.

"Sapos gavman na ol dona i ken givim mani sapot long kisim na karimaut ol aweanes i go long ol provins, em bai helpim tru ol meri.

"Planti mama i wok long dai long dispela sik long ol rurel eria. Bipo, dispela kain sik i no save kamap planti tasol em i narakain nau na i wok long kilim dai planti ol yangpela mama tu nau," Misis Kovingre i tok.

Em i singaut long ol meri long hariap go long sekap long haus sik sapos ol i pilim olsem ol i lukim ol narakain mak long bodi bilong ol.

Dispela em long solap long susu na lukim blut klostu klostu taim em i no taim

bilong meri long lukim sikmun na ol arapela mak moa.

Mary Ngabung i mama bilong 5-pela pikinini na susa bilong em i bin dai long sik kensa bilong susu long yia 2000 i tok em i moabeta long ol meri i go long sekap bikos dispela i ken sevim laip.

"Mi amamas long ol meri dokta i wokim sekap long ol mama. Bikos mi lukim susa bilong mi i dai long kensa bilong susu, mi laik wokim sekap tu na mi kisim dispela sans long Ekspo.

"Mi pilim strong olsem em i gutpela long wok wantaim ol dokta na karimaut ol skul aweanes long dispela tupela sik i wok long kilim planti meri long em," Misis Ngabung i tok.

Lo bilong lukautim ol pikinini



YUNAITET Nesens i bin kamapim lo we i lukautim rait bilong meri na pikinini. Sampela i bin kamap long dispela pepa pinis las yia. Long skruim ol tok klia moa, *Wantok Niuspepa* i putim ol dispela lo na ol meri i ken klia long rait bilong ol na ol i ken go we long kisim helpim sapos ol i bungim hevi egens long ol rait.

Dispela em ol konvensen o io long rausim olgeta pasin bilong rabisim ol meri.

Yunaitet Nesens Jenerel Asembli i bin wokim ol lo na tok oraitim Resolusen 34/180 long Desemba 18, 1979 na ol bin stat long go hetim dispela long Septemba 1981 aninit long Atikel 27 (1). Dispela i bin mekim ol kantri husat i sainim lo bilong lukautim rait bilong ol meri (CEDAW) long ol kain pasin bilong rabisim ol long lukim ol i mas bihainim ol dispela lo. Moa long dispela neks wik.

Sotpela Tok Lukaut

HIV tes.

Planti manmeri i save pilim helti. Ol i no save olsem ol i gat binatang bilong AIDS. Sapos yu helti, wanpela rot tasol long save sapos yu gat binatang bilong AIDS em long kisim tes. Sapos yu laik kisim HIV/AIDS tes, toktok wantaim HIV/AIDS kaunsela o helti kea woka. Ol bai tokim yu sapos bai orait na wanem hap yu ken go long kisim fri infomesen we nogat man bai tokaut long samting yupela i toktok long en na yu

ken kism sapot long wokim tes. Sapos yu kisim blut tes na ol i tokim yu long risal olsem yu HIV positive o yu gat binatang bilong AIDS, dispela i min olsem yu gat dispela sik long blut bilong yu.

Sapos tes i no painim binatang bilong AIDS long blut bilong yu, yu HIV negativ o yu nogat binatang bilong AIDS long blut. Sapos yu bin yusim banis long taim yu slip wantaim narapela na insait long tripela mun, yu no bin gat rot long blut bilong narapela i go long yu, yu orait na noken go bek gen long kisim tes.

Tasol yu ken go bek na kisim tes long save stret olsem yu nogat binatang bilong AIDS olgeta. Ol lain i givim yu HIV tes bai tokim yu sapos yu kisim gen tes. Sapos tes i soim olsem yu nogat binatang bilong AIDS, dispela i no min olsem yu gat banis long bihain taim agensim binatang bilong AIDS. Sapos yu bihainim gut ol rot bilong stopim binatang bilong AIDS i kam long yu, bai yu orait.

Moa long neks wik.

Raun lukim ol meri na pikinini long PNG



Kuk Kona wantaim MERI WANTOK

Kaukau Scones (Skon)

Yu mas i gat:

- 1 na haf kap flawa
- 1 na haf kap kaukau i kuk pinis
- 2-pela diset spun beking pauda
- 1 na haf kap bata o majarin
- 1 kap miik
- 3 kwata tispun sol.

insait long dis.

- 3-Kapsaitim milk na kaukau i go
- 4- Kapsaitim ol drai ingridiens i go na tanim hariap
- 5- Tanim ol dispela samting yu miksim pinis long tebol we yu putim flawa long en.
- 6- Taim yu miksim na tanim gut pinis, katim long raunpela sais na putim insait long beking trei yu grisim pinis.
- 7- Iarim i beik long 15 na 20 minit long hotpela aven inap long 400 digris F.

We long wokim:

- 1-Putim flawa, sol, beking pauda insait long wanpela raunpela dis.
- 2-Rabim bata o majarin wantaim ol finga bilong yu i go insait long flawa

TOKTOK NATING
Wantaim
Fr. Paul Liwun SVD



I GAT wanpela mama wantaim pikinini meri bilong en. Dispela liklik meri, i gat 4-pela krismas bilong en.

Tupela i bin stap namel long planti manmeri i bin wokim soping o baim ol samting bilong krismas.

Taim ol i bin wokim soping bilong ol i pinis, liklik tudak i kamap pinis. Olsem na tupela i wokabaut long strit Avenue V long Nu Yok siti.

Liklik meri i wokabaut long rait han sait bilong mama bilong em. Em i no bin apim pes bilong en.

Em i daunim het, wokabaut na ai bilong en i lukluk daun long aspal tasol.

Taim mama bilong em i bin lukim olsem, em i bin askim pikinini olsem, "Bilong wanem yu i no apim het na lukluk i go antap, lukluk long naispela kala kala bilong glas i stap long olgeta windua.

"Lukim antap kala bilong glas em i naispela tru."

Tasol liklik meri i bekim tok bilong mama: "Mi lukluk long rot, bikos mi painim wanpela samting."

"Wanem? Long nem bilong God, yu painim wanem samting, pikinini?" askim mama bilong em.

Na liklik meri i bekim: "Mama! Mi painim wanpela samting tasol mi no painim yet."

• **Planti bilong yumi i gat wankain pasin olsem dispela liklik meri.**

• **Planti taim - ai bilong yumi i lukluk daun long graun - painim wanpela samting, tasol yumi i no luksave olsem wanem samting yumi painim long en - i stap pinis nambaut long yumi.**

• **Yumi lukluk daun tasol long graun, bikos yumi wari tumas long samting bilong graun, na lusim tingting long lukluk go antap long God.**



"Jisas i singautim 4-pela man na ol i bihainim em."

Jisas i wokabaut arere long raunwara Galili, na em i lukim Saimon wantaim brata bilong em Anru. Tupela i wok long tromoi umben long raunwara. Tupela i sav wok bisnis long kisim pis. Jisas i tokim tupela olsem, "Yutupela kam bihainim mi, na mi bai lainim yutupela long pasin bilong kisim ol manmeri. Kwiktai tupela i lusim umben na i go bihainim em. Jisas i wokabaut i go moa liklik, na em i lukim Jems, pikinini bilong Sebedi, wantaim brata bilong em Jon. Ol umben bilong tupela i bruk na tupela i stap long bot na i wok long stretim umben. Na em i singautim tupela, na tupela i lusim papa Sebedi i stap long bot wantaim ol wokman, na tupela i go bihainim em.

Mak 1: 16-20

Nupela pop i mas holiman long skruim wok bilong Jisas

Veronica Hatutasi i raitim

NUPELA pop husat bai kisim ples bilong leit Pop John Paul 2 i mas wanpela holiman i gat strongpela bilip na i pas long bihainim ol skul bilong Jisas we em i ken kisim i kam long ol pipel long bihainim kain taim yumi stap long en. Wanem kantri em i kam long en na wanem skin kala i liklik samting.

Dispela em ol tingting we planti kadinel husat bai vot long nupela pop i gat long en taim ol i bung long sindaun long vot na wol i wet long husat man tru namel long ol 117 kadinel bai kisim ples bilong leit pop husat wol na ol narakain lotu tu i givim bikpela luksave long em.



• **Leit pop i bin gutpela poroman bilong PNG na Praim Minista Sir Michael Somare na Lady Veronica Somare wantaim ol arapela manmeri i bin stap long misa lotu bilong tingim em long Sen Mary's Katitrel long Mosbi. Foto: PAUL ZUVANI**

Luteran pasto autim sapot long kilim dai man lo

LUTERAN pasto i singaut long gavman long strongim tingting bilong em long kamapim lo bilong kilim man i dai long mekimsave long em.

Het Bisop bilong Gut Nius Luteran Sios long Wabag, Reveren David Piso long las wik i tokim Nesenel Gan Kontrol Komiti olsem taim ol man husat i save killim ol man i dai em kot i kilim ol dai bai givim tingting long ol narapela trabel man.

Em i tok em i no gutpela long ol trabel man husat i kilim ol narapela i dai i go fri. Na olsem dispela i ken givim planti long ol lain husat i gat i laik long kilim narapela man i dai.

Em i tok ol sios i nogat lo we i save larim ol manmeri i kilim ol yet i dai tasol i tok gavman i gat moa pawa long toktok na olsem em i ken kamap wantaim lo.

Em i tok em i wok bilong gavman long lukim olsem i gat gutpela sindaun long komyuniti na ol manmeri i nogat pret long stap na mekim ol wok bilong ol.

Long narapela nius ol



• **Kadinel Joseph Ratzinger em wanpela top feveret long kisim ples bilong leit pop.**

"Husat tru inap long wokabaut na kisim lekma bilong Pop John Paul 2" em askim we ol kadinel i kisim.

Ol kadinel bilong sios long olgeta hap bilong wol i pinis tasol long planim leit pop we wol i givim luksave olsem top "peacemaker" o strongpela

sapota long gutpela sindaun long wol na ol Katolik na ol lain bilong ol arapela lotu tu i bin laikim tru na givim bikpela luksave tru winim ol arapela pop long histri na planti milien pipel long wol i kraik long em na planti i laikim bai sios i kwiktai mekim em i kamap Santu.

Taim ol givim bekim bilong ol, ol i luksave long leit Pop John Paul 2 na bikpela wok em i mekim, ol i mekim klia olsem piksa bilong leit Pop em i bikpela tru, olsem "giant" long histri bilong Katolik Sios long wol.

"Mi no ting olsem bai yumi ken gat kopi bilong Pop John Paul 2 o traim long bihainim lekma bilong em bikos em i narakain," Kadinel Marc Querrat bilong Kanada i tok.

"Husat i kamap neks pop bai i noken traim long bihainim stail bilong leit Pop John Paul 2 tasol em i mas em yet, Kadinel Godfried Danneels bilong Belgium i tok.

Long ol salens bilong nupela pop, planti kadinel i tok strongim bilip bilong ol sios memba em i stap long top lista, planti ol gutpela Kristen pasin i wok long ius long sios tude, toktok wantaim Muslim lotu na strongim gen misinari wok em ol arapela bikpela samting tu we nupela pop i mas lukluk long ol.

Ol ripot i tok i luk olsem ol Kadinel bai mas makim wanpela kendidet husat i no yangpela tasol krismas i abrusim 70 yia bikos ol i laikim bai dispela pop i go pas long sios long sotpela taim. Na sampela long ol

feveret kendidet namel long ol Kadinel we nem bilong ol i kamap em long Kadinel bilong Asdaiosis bilong Milan na em i bilong Itali yet, Kadinel Dionigi Tettamazi i gat 71 krismas. Em i wanpela gutpela papa bilong sios wantaim gutpela menesmen save long Vatikan.

Kadinel Claudio Hummes bilong Sao Paulo long Saut Amerika na em i gat 70 krismas. Em i strongpela sapota bilong sios, lukautim laip bilong man, famili, ieba na sosel jastis. Narapela strongpela kendidet em Kadinel Joseph Ratzinger bilong kantri Jemeni tasol stat long 1981, em i bos long ol kadinel. Em i gat 78 krismas. Em i save stap klostu long leit Pop John Paul 2. Planti i ting olsem em i raitman long kisim ples olsem neks Pop.

Tasol Kadinel Fiorenzo Angelini i tok tru, "Yumi ken toktok tasol Holi Spirit bai staim tingting bilong ol Kadinel long makim nupela pop.

"Bai yumi kirap nogut long husat i kamap pop, olsem tasol taim ol bin makim Kadinel bilong Polen, Karol Wojtyla olsem pop long 1978.

Taim ol Kadinel i bung na toktok na tu stat long vot long neks wik Tunde, Epril 18, ol bai stap long rum i lok, nogat we long toktok wantaim ausait wol o long ol narapela manmeri long Vatikan. Mak long nupela pop i kamap bai go aut long pablik sapos ol i lukim waitpela smok i kamap. Blekpela smok i min olsem i nogat nupela pop yet.

Episkopol Angliken Sios long Skotlen givim sapot

OL TOKPAIT we i ken brukim Angliken Sios long wol i wok long go het yet.

Ol tok pait i kamap long ol manmarit na dispela i bin stat taim han bilong Angliken Sios long Amerika na Kanada i makim wanpela kain pater olsem bisop long sios insait long Kanada.

Ol sios long Yurop na Afrika i egensim tru dispela pasin na dispela i bin kamap klia long bikpela bung bilong ol las mun long Ailen.

Orait, han bilong Angliken Sios long Skotlen i skruim gen dispela hevi taim em it ok sapos man i wanpela "homoseksuel" o i gat laik long narapela man yet (na i no meri), dispela i noken stopim em long kamap pater.

Ol ripot i tok dispela i mekim ol "Gay" raits grup long gat bilip olsem dispela sapot bilong Skotis

Episkopol Sios i ken helpim long senisim pasin bilong ol arapela sios long Angliken Sios we i holim pas strong long bilip na pasin bilong sios yet.

"Episkopol Sios long Skotlen i no lukim olsem man i gat laik long narapela man (manman pren o marit) i mas noken mekim wok ministri long sios," Kolis bilong ol Bisop long Skotlen i bin tok.

Dispela toktok i bin kamap bihainim bikpela bung bilong Angliken Sios long wol long Noten Ailan na ol bisop i bin pilim olsem long autim tingting bilong ol long dispela samting.

Paitim tok long manman i gat laik long narapela insait i holim wok olsem pater na bisop i kamapim bikpela tok pait we ol sios memba long Afrika we i gat 78 milien Angliken manmeri long en.

Polisman i tingim Pop John Paul 2

WANPELA polisman long Mosbi husat i bin bungim leit Pop John Paul 2 tripela taim, i tok olsem em i bin pilim bikpela amamas long ol dispela taim, amamas we i winim ol 31 yia bilong em olsem wanpela polisman.

Sinia Sajen Eddy Maino, i wanpela bilong ol manmeri bilong Papua Niugini husat i bin laki tru long bungim Pop taim em i bin raun i kam long hia.

Namba wan taikm bilong Mista Maino, husat i wanpela olupela polis eskot ka draiva, long bungim Pop, i bin taim em i bin raun i kam long kantri olsem wanpela kadinel.

Long dispela taim Mista Maino i bin wanpela gret 9 sumatin long Mainohana Hai Skul long Bereina, Sentral provins, na Pop i bin raun kam olsem wanpela kadinel husat i makim tingting na maus bilong Vatikan.

- Paulus Tali

Nius Bilong HIV AIDS

Tok Lukaut



wantaim
David Ephraim

I GAT tripela rot we dispela binatang bilong HIV i save kisim ol manmeri. Namba wan rot, em long slip wantaim manmeri husat i karim dispela HIV binatang.

Namba tu em mama i gat HIV i givim long pikinini long taim bilong karim.

Na namba tri em long blut taim ol i yusim ol kainkain samting olsem resa long mekim tatu o katim skin.

HIV i save stap laip insait long blut olsem na taim manmeri husat i gat binatang HIV i gat sua o bruk long skin bilong bodi bilong ol, yu manmeri i nogat i ken kisim sapos yu tu i gat kat long bodi bilong yu.

Dispela i no wokim yu pret. Yu ken stap wantaim na kaikai wantaim ol tasol tingim HIV i save kisim manmeri long rot bilong slip wantaim manmeri husat i gat HIV, yusim wanpela resa long taim bilong tatu na man husat i gat HIV i givim long pikinini.

Wanpela askim Mista Efang Jonah long ol pas i askim natnat i save givim sik AIDS o nogat? Sore em nogat. AIDS em i no sik. AIDS em nem bilong ol kainkain sik we i save kisim manmeri husat binatang HIV i daunim strong bilong bodi bilong ol long pait wantaim ol kain sik olsem TB, kensa na moa.

Na moa yet long askim bilong binatang HIV i save stap laip insait long blut bilong yumi ol manmeri tasol na taim em i kam ausait bai em i dai. Olsem na taim binatang HIV i go insait long bel bilong natnat em i save dai.

Noken lus tingting long tripela rot HIV i ken kisim yu. Na tu tingim HIV binatang i save stap laip insait long blut bilong manmeri.

Sapos yu rita i gat ol askim yu ken ringim mi long 323 0166 o

email i kam long
Ephraim.david@gmail.com

HIV-AIDS stap pinis. Lainim na senisim pasin bilong yu tete.

Tok Lukaut

YES mi laik kisim dispela taim tasol long luksave i go long wanpela bikman bilong Katolik Sios. Leit Pop John Paul 2, long glasim bilong mi olsem yangpela bilong Papua Niugini.

Mi ken tokaut olsem Leit Pop John Paul 2 em i wanpela kain man we i bin helpim long bringim gutpela sindaun namel long ol kantri, lotu na pipel. Wanpela samting mi save tingim yet taim dispela birua man bilong Turkey i bin sutim Pop long St Peters Square long 198.

Bihain long sua i bin drai em i bin go lukim dispela man husat i sutim em na pren wantaim em. Dispela pasin em soim stret laikim na sore o mari-mari bilong Krai tru long wokman bilong em.

Nau long dai bilong em mi laik salensim ol sios bilong yumi long Papua Niugini.

Inap long indipendens i kam long nau kros pait long posisen, doktrin, pipel em bikpela tru.

Mi tok strong long yupela long stopim dispela kain pasin na traim bihainim tok tru o tru bilong God we yupela i save toktok long en.

Mi yet i no wanbel long ol memba bilong ol sios. Mi wanpela soselis tasol mi gat strongpela bilip long Krai Jisas na tok bilong em insait long Baibel. Mi tingim Leit Pop John Paul 2 olsem wanpela pensil long han bilong God i raitim laikim pas i kam long yumi olgeta manmeri bilong graun.

May your soul rest in eternal peace, and may we remember your life with an exclamation. Late Pope John Paul 2, 1920-2005.

Helpim long kamapim gutpela helt bilong ol mama na pikinini

Veronica Hatutasi i raitim

SINGAUT i go long olgeta papa na ol bosman long kantri long helpim ol mama na pikinini i sindaun gut wantaim gutpela helt.

Seketeri bilong Heit, Nicholas Mann, i makim maus bilong Minista bilong Helt Melchior Pep long Nesanel Helt Ekspo na Wol Helt De long Sir John Guise Indo Stadium long Mosbi na i wokim dispela singaut.

Long amamasim namba 10 Nesanel Helt Ekspo las wik Sarere na Sande, indo stedium i bin pas pas tru na i nogat sans tumas long i go na i kam bilong wanem ples i bin pulap kapsait wantaim ol skul sumatin, ol tisa, ol yangpela, ol mama na ol arapela manmeri husat i kam long kisim save long ol samting i sut long helt bilong ol, kisim ol infomesen buk na posta, harim toktok long ol lain i givim ol toktok long lukautim gut bodi bai stap helti, kisim ol fri sekap long blut, ai, mak bilong suga long

bodi, givim blut na planti ol arapela sevis we ekspo i givim long pablik long dispela tupela de.

Taim em i givim luksave long *National Niuspepa* na Dipatmen bilong Helt long wok bung wantaim na kamapim dispela gutpela Helt Ekspo i winim 10-pela yia nau, Mista Mann i tok mak long planti lain tru i save kamap i soim olsem so i gutpela na planti manmeri i laikim na i gutpela bilong wanem em i helpim ol papamama, sumatin na pablik long kisim moa save.



Australian Government
AusAID



PABLIK TOKSAVE RAITING KOMPETISEN- "THE GUNS ISSUE IN PNG"

Papua Niugini Guns Control Committee i singautim ol sumatin long Nesanel, Sekonderi na Hai skul skul long go insait long raiting resis bilong gan.

Nesanel Gavman i bin kirapim Komiti long adresim dispela sik long lo na oda hevi i go bikpela moa na pasin bilong bagarapim narapela i go antap bikos mak long yusim ol gan tu i go antap. Dispela em ol gan ol i wokim long fektori na long ples.

Komiti i laikim pablik kam insait na helpim long dispela wok na em i redim ol dispela kwesten long ol sumatin bilong Gret 11 na 12 na ol Gret 9 na 10 long en.

YIA 11-12: WHY IS THE USE OF GUNS IN PAPUA NEW GUINEA UNSAFE, AND HOW CAN WE BRING ILLEGAL GUNS UNDER CONTROL?
(500 WORDS o raitim ol tingting bilong yu long 500 wods)

1ST Prais: K500.00
2ND Prais: K250.00

YIA 9-10: WHAT PENALTIES SHOULD BE IMPOSED ON PEOPLE WHO USE GUNS FOR ILLEGAL PURPOSES?

1st Prais: K500.00
2nd Prais: K250.00

Ol rul long bihainim long go insait long kompetisen o resis.:

- Lain i laik go insait long resis i mas skul long wanpela Nesanel, Sekonderi na Hai skul we Nesanel Gavman i gat luksave long en.
- Ol lain i go insait long resis ya i mas gat gutpela aidentiti o luksave olsem pote we i soim olsem em i skul long dispela skul na wanem gret em i stap long en.
- Ol pikinini na hauslain bilong ol lain i stap insait long Komiti na Seketeriet i no inap long go insait long dispela resis.
- Resis bai pas long Mei 10, 2005.


Safim envelop i gat resis bilong yu i go long dispela adres:

The PNG Guns Control Committee
"Writing Competition"
P O Box 1270
BOROKO
NCD

Ol bai toksave long ol wina long bikpela kibung ol i kolim long Nesanel Gan Samit ol bai kamap long Goroka long Jun 6 inap long 10 long dispela yia.

Meja Jenerel JERRY SINGIROK MBE (Rtrd)

Siaman



Salim ol pas i kam long WANTOK
NIUSPEPA: P.O.
Box 1982, Boroko
N.C.D 111
Fax: 325 2579
Email:
word@global.net.pg

WHP gavana, fri edukesen we?

Dia Edita,

Mi laik putim dispela komplem long midia olsem Gavana bilong Westen Hailans provins Pais Wingti i bin tok long tripela samting long en; namba wan em rot, namba tu em fri edukesen na namba tri em kopi. Yes gupela rot em yu stretim pinis long ol foa kona long WHP. Kofi prais i go antap nau.

Fri edukesen, dispela em mipela ol vota sapota na pipel bilong

WHP i wet yet long lukim dispela samting i kamap tru. Plis inap yu mekim sampela samting long dispela? Noken kam bek gen long 2007 na toktok planti long fri edukesen tok promis bilong yu.

Nau long 2005, 2006 piis yu mas karimaut dispela promis yu mekim.

**MATT DEDEBOH
HOLEYAH
BANZ
WESTEN HAILANS
PROVINS**

Memba stretim Kabwum rot pinis

Dia Edita,

Mi i no save rait olsem long bekim komplem pas bilong ol pipel. Tasol pas bilong Guniong M. bilong Kawbum i kirapim tingting bilong mi long bekim toktok em mekim. (Wantok, Feb 24-03 March 2005)

Komplem bilong Wasu Kabwum rot em mi stretim pinis. Mi no save yu stap we? Yu stap long ples bai yu ken lukim rot wok mi mekim pinis. I luk olsem yu wanpela taun man i raitim dispela pas. Narapela komplem em bilong we ol pipel i wokim rot long ples?

Mi i gat klia tingting long we mi wokim rot. I gat gupela as tingting wai ol pipel i wokim rot long spet na sawol.

1 Ol pipel i wanbel long wokim rot olsem long kisim skul fi mani long helpim pikinini bilong ol.

2 Wokim rot em kos tumas olsem na long dispela we taim pipel wokim na masin i stretim em katim daun kos. Long helpim long mekim isi mi wokim olsem.

3 Planti taim pipel i no save lukautim gavman sevis. Sapos ol i wokim rot em ol amamas long lukautim taim graun bruk gen.

Ol i no inap wetim gavman long kam na stretim. Dispela em bilong rausim krangi tingting bilong wetim gavman.

4 Ol pipel i amamas long wokim ol dispela wok. Husat pipel i no amamas bikos em ol lain pipel wok ol yet wanbel wantaim mi.

Mi laik toksave long yu - Guniong M. i no ken kolim ol pipel bilong Kabwum. Bikos em yu no lida bilong ol.

Yu wanpela tes man raun raun long rot na komplem. Mobeta yu pasim maus na kam lukim mi na kisim gupela tingting long helpim yu yet.

Yu ting mani pulap long Waigani na bai mi kisim i kam wokim rot?

Rot bilong kisim mani em hatpela, na mi wok hat tru long kisim mani. Mi laik tok save long yu long i go long ples na joinim ol pipel long mekim kamapim sindaun bilong yu.

Yu noken kisim kago kalt tingting long ol samting bai pundaun i kam long graun nating.

Mi yet,

**HON BOB DADAE,
MP
DEPUTI SPIKA
MEMBA BILONG
KABWUM**

Madang taun i pulap long pipia

Dia Edita,

Mi wanpela man long boda long Sandaun provins tasol nau mi i stap long Madang.

Mi laik autim wari bilong mi i go olsem planti manmeri ol i save tok olsem Madang em i bilas ples tasol lukluk bilong mi em i no gupela tumas.

Insait long taun planti pipia i pulap tru long skin buai na ol kainkain rabis.

Mi laik askim bilong wanem tru na taun kaunsoi na wokman bilong taun kaunsoi ol i stap? Traim wokim taun i mas kamap biutiful Madang taun. Orait wari bilong mi em tasol. Yu husat man o meri yu laik bekim welkam tasol.

**YAKI YAMAP
BNC BODA
MADANG PROVINS**



Toksave: Sampela ol pas mipela i kisim i longpela tumas na i no givim spes long ol arapela pas, plis raitim pas liklik. Na tu putim nem na edres bilong yu long olgeta pas yu salim i kam, tenkyu. -Edita

Strongim tumbuna musik

Dia Edita,

Mi wanpela manki Morobe long POM siti. Mi laik sapotim tingting bilong wanpela brata long Raikos ples long Madang provins we em i bin rait long Wantok Niuspepa long autim wanpela bel-hevi bilong em.

Long sapotim tingting bilong em, mi bin lukim Wantok Niuspepa long las mun (1595) mi lukim olsem dispela boi Raikos em wanpela manki Madang bikos Raikos em i stap insait long Madang provins.

Na tumbuna track studio em tu i stap long Madang provins. Mi save laikim stail na kalsa musik bilong tumbuna track. Mi wanbel long harim tasol dispela liklik sik ol i save mekim olsem pasin bilong jeles long narapela atis. Olsem wanem, dispela em rabis. Ating yumi laik givim olgeta samting bilong kalsa long husat wanpela man tasol wok long promotim studio em bai pilim les o nogat. Na tu ol lain bai harim wankain nek olgeta taim. Dispela tu, studio bai i no

inap kisim gut kastoma. Traim tok welkam long ol nupela musik atis man long ples bilong yupela long sapotim studio long wanem na yu yusim nem tumbuna long studio.

Na traim larim em i ol long olgeta provins long kam na mekim kalsa rekoding kamap bikpela na pairap strong insait long Papua Niugini na go aut long Pasifik.

**MANN GARA
LAE
MORobe PROVINS**

Henganofi wetim memba bilong ol

Dia Edita,

PLIS mi laik autim liklik hevi na wari bilong ol pipel bilong Fayatina na olgeta Henganofi distrik.

Mi no harim nem bilong Memba bilong Henganofi Dokta Bun Banare. Em i dai kisim bagarap long sik AIDS pinis o?

Minista bilong was long sik AIDS, wanem taim bai yu kisim sevis olsem silim Fayatina rot na liklik rot i

go long ples olsem Kerebabi, Mofahi na Kofio haus lain na kisim wanpela Yumi Yet Bris long haiwe rot klostu long Konagempi. Bris i laik pundaun nau. Plis mipela kraik long sevis.

I no olgeta Henganofi pipel kisim sik AIDS na yu toktok tumas long AIDS. Mipela harim pinis yu wokim bikpela pati long ol lain Makoma long pala-

men mani yu kisim long we? Sevis yu tok yu no wokim wok. Tenkyu tru Minista bilong lukaut long sik AIDS long PNG. Lukim yu long 2007. 2007 i kam klostu nau. Bai yumi lukluk, save i stap long yu.

Em tasol liklik wari na hevi.

**KRINTIFA SOX
WILDLIFE ERIMA
NCD**

Rausim spika

Dia Edita,

Mi no amamas long pasin we spika bilong Nesanel Palamen Jeffrey Nape i mekim long ai bilong oposisen na bilong PNG manmeri.

Em i save bagarapim PNG na mi askim Somare Gavman mas rausim spika long posisen na em bai stap olsem MP na votim narapela man long kamap olsem Nesanel Palamen spika. Jeffrey Nape em i gupela man tasol em i save kros long ol memba long taim bilong palamen na bagarapim ol MP tu. Rausim sia bilong em.

**JACOB TIPINGI
POT MOSBI
NCD**

Baim 70 toea bas pe tasol

Dia Edita,

Mi wanpela ples manki. Mi save laik long ritim *Wantok Niuspepa* long olgeta wik Fonde. Mi laik putim wari bilong mi em long bas pe 70 toea em i namba wan tru insait long Mosbi siti.

Yumi ol wokmanmeri o yumi no wok manmeri yumi mas baim 70 toea tasol. Klostu o longwe em 70 toea tasol.

Klostu olsem Stop & Shop o 4 Mail em yumi mas baim 70 toea yet. Olsem Gordons i go long Hanuabada 70 toea bas pe na draiva o boskru rausim yu long taun bas stop em mas givim yu 70 toea.

Na em bai isi long yumi kisim narapela bas long wanem hap bai yumi go.

Boskru givim 40, 30, 50 toea long go kisim narapela bas em ol bai tok nogat. Yumi mas wok bung wantaim long dispela bas pe. Yumi save prais bilong ol kaikai em i go antap tru.

Bas pe tu em mas go antap. Simuk na buai em 50 toea dispela samting em i no helpim yumi karim i go long wok ples bilong yumi. Bas helpim yumi em bikpela samting tru.

Mi wanbel gen 70 toea em i no bikpela mani. Planti toktok i stap?

Yu wanbel long tok bilong mi o yu kros long pas bilong mi. Yu welkam tasol long *Wantok Niuspepa* na bai mi isi long ritim pas bilong yu.

**ANDREW PORA
BANZ
ISTEN HAILANS PROVINS**

Tingim ol Turangu

Dia Edita,

Mi wanpela manki bilong Awiana insait long Okapa distrik. Mi bilong Singura wan nau mi stap long Kavieng, Nu Ailan provins. Orait mi stap long Kainantu na mi no lukim han mak bilong Mista Smith Kela i kamap tu long Awiana sait.

Mista Smith Kela mi laik tokim yu stret olsem yu laik i stap siting gavana yu mas luksave gut na helpim ol pipel bilong yu.


Sapos yu lus tingting long ol yu bai lus long 2007 ileksen.

Dispela mi no giamanim yu. Yu mas tingim tu long bus laip. Mi save olsem samting o ol sevis i ron gut tu long wan sait. I no ol lain bilong Hawy tasol ol i givim vot long yu na ol samting i go wan sait.

Em nogat. Traim luksave tu na dispela sevis i go tu long Awiana.

Las tok olsem ol Awiana tok long yu ius em bai yu nogat. Traim na tingim ol trangu.

**MONIAS KANAKA
KAVIENG
NU AILAN PROVINS**



Katim bel rop bilong gan long Hailans

LAS WIK, mi bin toktok long hevi bilong gan long Hailans rijen. Dispela wik mi toktok gen long wanpela bikpela hevi gan i givim long pasin na kalsa antap long Hailans.

Dispela wik, Wabag Polis Stesin Komanda, Timothy Pomo i tokim Nesenel Gans Kontrol Komiti long Wabag olsem long Enga Provins, husat "i gat gan i ken sanap na toktok." Em i tok husat "i nogat gan long pait bek i no inap sanap na toktok."

Inspekta Pomo in bin stap na wok long Enga inap 17 yia olgeta. Em i tok moa olsem ol hauslain husat i gat moa gan i gat moa strong long ol arapela hauslain.

Dispela toktok Inspekta Pomo i mekim i trupela tok. Dispela pasin i no stap long Enga tasol. Dispela kain pasin i stap tu long ol arapela provins long Hailans.

Bipo, ol man i save mekim toktok long bikpela bung long ol hauslain, em ol lida bilong ples. Dispela ol lida i bin gat luk-



TOK PISIN
wantaim
PETER MAIME

save long ol pipel bilong ol, bikos ol i save go pas long karim hevi na wari bilong ol.

Sapos i gat kompensesen, i gat bikpela bung kaikai, o baim meri, ol dispela lida long ples bai go pas na bungim ol bikpela kaikai, mani na pik. Na tu ol i save go pas na toktok na givim ol samting i go long ol arapela hauslain.

Ol toktok ol lida i mekim i save sut i go insait long taim bilong bipo, nau na bihain taim long bungim ol arapela hauslain wantaim hauslain bilong ol yet. Ol toktok bilong ol i save givim nupela hop na laip.

Nau olsem Inspekta Pomo i tok, yu mas holim gan long toktok. Maski toktok bilong yu i gutpela o nogut, bikpela sam-

ing em yu gat gan. Ol liklik manki husat i nogat maus gras tu i save pasim maus bilong ol lida bilong ples bikos famili o hauslain bilong ol i gat gan.

Pasin bilong Hailans lidasip i bagarap long gan. Lidasip i save kam wantaim taim na luksave bilong ol pipel na blesing bilong Bikpela.

Nau dispela lidasip i pinis wantaim pawa bilong gan.

Nau Nesenel Gans Kontrol Komiti i mekim gutpela wok long kisim tingting bilong ol pipel long olgeta hap bilong kantri na luksave long hevi bilong gan.

Long Hailans ol gan nau i stap long han bilong ol hauslain em sekuriti bilong ol. Em hat long ol gan i kam aut.

Bihain long Nesenel Gans Kontrol Komiti i pinisim wokabaut bilong em, em i mas painim wanpela rot long putim wanpela strongpela lo long mekim save long ol lain husat i stap insait long baim na salim gan long ol pipel. Ating dispela em belrop bilong gan.

WANTOK KOMENTRI

Wanem as bilong het strong?

INSAIT long dispela wik i go pinis, planti toktok i kamap na skruim bel kros namel long PNG na Australia gavman long askim bilong tok sori i mas kam long Prait Minista John Howard.

Bihain long Australia gavman i tok bai i nogat wanpela tok sori i kam long PNG, Sief Seketeri bilong Gavman, Joshua Kalinoe i tokaut las wik long pasim bilong namba tu hap bilong ol polis manmeri long kam insait long kantri aninit long Enensmen Koporesen Program (ECP).

"Dispela bel hevi namel long PNG na Australia i no bilong nau tasol. Bipo yet, dispela pasin bilong Australia gavman long daunim PNG i save stap long baksait long planti wok bung namel long tupela kantri."

Yumi gat rait long askim wanem tru em i as tingting bilong gavman long mekim dispela samting. Antap long en, yumi mas askim tu, bai yumi go inap long wanem mak long kisim luksave bilong Australia olsem mipela wanpela indipenden kantri tu?

Em i klia olsem long pasin bilong mipela hia long PNG, mipela i save onaim ol bikman.

Foren Afes minista bilong Australia, Alexander Downer yet i luksave long dispela pasin. Tasol long givim bekim na tok olsem Australia i no inap tok sori em i soim pasin bilong het strong na pasin bilong daunim mipela PNG olsem wanpela indipenden kantri.

Dispela bel hevi namel long PNG na Australia i no bilong nau tasol. Bipo yet, dispela pasin bilong Australia gavman long daunim PNG i save stap long baksait long planti wok bung namel long tupela kantri.

Bai yumi tok klia long Australia olsem dispela kain pasin i mas pinis nau? Na long wanem rot tru bai mipela i ken salim dispela toksave?

Tete i makim stat bilong namba wan ileksen long Bogenvil long makim nupela otomas gavman. Planti wok sekuriti nau long Bogenvil em ol opisa bilong Australia aninit long ECP i bin helpim long strongim.

Ol opisa bilong Iktoret Komisin nau i opim pinis ol rit pepa o pepa i makim stat bilong nominesen bilong ileksen.

Dispela em i wanpela bikpela samting tru, bilong wanem planti manmeri i bin mekim bikpela hat wok tru long kamap long dispela mak.

Long dispela kain taim we Francis Ona i soim pes long Bogenvil, kain toktok long stopim wok i go het bilong ECP bai i ken bagarapim tu wok mipela i mekim pinis.

Long wankain taim, ating i mobeta mipela i tukluk long ol wansolwara kantri bilong mipela insait long Pasifik na kisim sapot bilong ol.

Dispela rot bai wanpela strongpela rot bilong PNG long wok bung wantaim ol arapela kantri long dispela hevi. Sapos mipela i sanap wantaim ol brata long Pasifik, mipela i ken senisim tingting bilong Australia olsem mipela i no liklik manki kantri nating.

I tru, Australia em i bikpela kantri insait long Pasifik, tasol taim bilong en long daunim olgeta arapela wansolwara em i pinis. Nau mipela i gat strong tu.

Tripela hevi ol lida inap karim

1. Ol manmeri i no wanbel wantaim ol lida

2. Ol manmeri i sutim tok nogut long ol lida

3. Ol manmeri i givim baksait long ol lida

DISPELA tripela pasin i save givim bikpela hevi long ol lida. Tasol taim Bikpela Jisas

i stap long graun planti man i bin mekim wankain pasin long em. Nau tu sampela man i gat wankain tingting tasol.

Yumi Lida i mas karim hevi olsem Jisas Krai i bin karim. Ol sampela man i no wanbel long wanem, ol i no save gut long ol samting lida i laik mekim.

Lida i mas save gut long rot yumi manmeri i mas bihainim.

Na em i tokaut klia tasol planti manmeri bilong ples i no klia long ol samting Lida wok long mekim. Tu ol i mas bihainim pasin bilong givim biknem long Krai (1 Peter 3:15) Tasol sampela manmeri i no save long dispela pasin God i laik bai yumi mekim.

Olsem na sapos ol manmeri i no klia long rot bilong ol o long tok bilong Lida, ol i save sutim tok nogut long en na mekim em i sem. Orait sapos ol manmeri i mekim pasin olsem, Lida i mas beten bai God yet i helpim em. Sapos tok bilong ol i tru na Lida i bin abrus liklik



Ol prinsipol bilong gutpela lida
wantaim
Evangelist
OHARE JABERE

long pasin bilong God, orait kwiktarm em i mas autim long God na stretim tok wantaim ol manmeri.

Tasol sapos tok bilong ol i no stret, orait Lida i mas putim dispela hevi long han bilong Bikpela tasol, bilong Bikpela yet bai i stretim (1 Peter 2:19-23; 1 Korin 4:1-5).

Ating Lida inap long karim hevi bilong tok nogut, tasol sapos ol manmeri i givim baksait long ol na sakim tok bilong God, orait ol dispela hevi i bikpela tumas.

Planti manmeri i save long rot bilong God, tasol ol i no laik bihainim tok bilong em. Planti lain manmeri i bin givim baksait long ol gutpela wok bilong God long bipo.

Taim Israel i stap long Isip, ol i sakim tok bilong Moses na Moses

WANTOK
Published Weekly, Wednesday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: 325 2500
Fax: 325 2579
Email: word@global.net.pg
Pe bilong wanpela yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Neville Choi

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea- Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



PASIFIK NIUS

Solomon Ailans: Gavman bilong Solomon Ailans i kamapim wanpela nupela polisi ol i kolim long Tok Inglis open sky polisy (open skai polisi).

Dispela polisi we Solomon Ailans Visita Buro i bin singaut long en, i bai tok orait long ol narapela balus kampani long ronim ol balus bilong i go kam long Solomon Ailans long mekim bisnis na i no balus kampani bilong kantri tasol, Solomon Airlines.

Tingting bihain long dispela singaut bilong Solomon Ailans Visita Buro na Gavman bilong Solomon Ailans em long pulim moa turis, moa balus kampani na moa kompetisen o resis long bisnis namel long ol dispela kampani.

Amerikan Samoa: Amerikan Samoa i wok long redi long tupela bikpela rijonel kamap we em i laik holim long 2008 na 2011.

Ol ripot i tok olsem Gavana Togiola Tulafono i kamap ol grup pinis long lukluk long 2011 Saut Pasifik Gems (SPG) na 2008 Pasifik Ats Festival.

Las rijonel kamap long sait bilong spots we Amerikan Samoa i bin holim i bin Saut Pasifik Mini Gems long 1997.

West Papua: Ol ripot i tok olsem ol polis bilong Indonesia i bin kilim wanpela man ol i tok i bin wanpela paitman husat i wok long i pait agensim gavman na holim pasim 8-pela arapela taim ol i bin ret o go insait long painim ol dispela man long wanpela ples lo ng isten provins bilong Papua long taun bilong Mulia.

Ripot i tok tripela bilong ol dispela paitman, taim polis i bin go long holim ol, i bin ronawe, na long dispela taim polis i bin sutim na kilim wanpela.

Tahiti: Gavman bilong Tahiti i laik stopim ol takis long ol krus sip o sip we i save karim ol turis i go long hap.

Ol i laik mekim dispela long amamasim ol sip, moayet ol bikpela sip, long kam bek gen olgeta wik long Tahiti na ol ailan klostu long en.

Kaunsel bilong ol Minista bilong gavman i tok orait pinis long wanpela projek we bai daunim stret takis we i save kam long ol dispela sip we i save stap long Tahiti.

Nu Kaledonia: Wanpela guria aninit long solwara, mak bilong em long Richter skel (rikta skel) 6.1, i bin noisim Nu Kaledonia long Fraide, Epril 8.

Guria i bin kamap aninit long solwara tasol kapitel siti bilong kantri, Noumea, 310 kilomita longwe long hap we guria i bin kirap long en, i bin pilim.

I no bin gat wanpela ripot long wanpela man i dai o kisim bagarap, o ol samting olsem haus, bris o rot i bin bagarap long dispela birua.

WOL NIUS WOL NIUS WOL NIUS



WOL NIUS WOL NIUS WOL NIUS

Rong

Wanpela kot bilong Briten i bin painimaut olsem Kelly Ellard, nau 22 krismas, i bin ron long paitim na draunim narapela meri, Reena Virk long Viktoria. Long dispela poto Ellard i wok-about i go insait long wanpela kot haus long Vancouver long Mas 31.

Poto: REUTERS



Laip I Sot

Wanpela animol ol i save kolim Bengal Tiger (taiga) i silip insait long wanpela liklik wara long Van Vihar hap bilong lukautim ol animol long Bhopal, India long Jun 2, 2004. Namba bilong ol dispela taiga i wok long i go daun bikos ol man nogut i save kilim ol long kisim skin bilong ol na salim long kisim mani.

Poto: AP/PRAKASH HATVALN



Sief Na Soldia

Presiden bilong Yunaitet Stets ov Amerika (U.S.A), George W. Bush i bungim ol soldia bilong U.S.A husat i save stap long Fot Hood long Killeen, Teksas, bihain long em i bin toktok long ol long Epril 12, 2005. Poto: REUTERS/LARRY DOWNING



Marit

Prince bilong Wales, Charles, na Camilla, Duchess bilong Cornwall, i sanap long kisim poto bihain long marit bilong ol long Windsor Castle las Sarere.

Poto: AP/HUGO BURNAND, CLARENCE HOUSE

WOLNIUS WOLNIUS WOLNIUS



WOLNIUS WOLNIUS WOLNIUS



Paitman

Dispela poto i soim ol paitman bilong Muvmen bilong Demokresi bilong Liberia (Movement for Democracy of Liberia) o MODEL, i sanap wantaim ol gan long namba tu bikpela siti bilong Liberia, Buchanan.

Poto: REUTERS/LUC GNAGO



Britney Bel

Biknem singa bilong Yunaitet Stets ov Amerika, Britney Spears, i bin tokaut long Epril 12, 2005, olsem em i gat bel wantaim namba wan piknini bilong em na man bilong em, narapela biknem singa, Kevin Federline. Long poto em Britney na Kevin.

Poto: STEVE MARCUS/REUTERS



Belhat Long Pe bilong Bas

Wanpela sumatin bilong wanpela yunivesiti long Managua, Nicaragua, i penim rait '2.50' long wanpela bas long Epril 12 we i soim belhat bilong ol manmeri long pe bilong bas i bin stap long 2.50 cordobas (mian bilong ol) i go antap long 3 cordobas. *Poto: AP/ARIEL LEON*



Masin Man

Sampela ol polis opisa bilong Israel i redi long lusim wanpela kain masin ol i save kolim robot we ol i ken kontrolim o givim oda long en long i go na rausim ol waja long ol bom bipo long ol i pairap.

Poto: AP/NASSER ISHTAYEH



Hevi

Wanpela man i sanap putim han long wal taim ol polis i retim wanpela ba o hap bilong dring bia long Ciudad Juarez, Meksiko.

Poto: AP/DARIO LOPEZ/MILLS

Nem 'Santu' i stap long han bilong nupela

WOK bilong givim nem na luksave bilong 'Santu' long leit Pop John Paul 2 nau i stap long han bilong nupela pop ol bai makim.

Vatiken yet i tok klia olsem tok orait bilong givim dispela luksave long leit Pop John Paul bai i mas kam long nupela pop yet.

Namel long ol misa bilong makim matmat bilong Pop, ol manmeri i bin singaut long mekim em i kamap santu long nau yet.

Ol niuspepa long Itali i bin tok olsem i gat ol pepa i makim ol mirakol em i bin mekim. Tasol long mekim em i kamap Santu, ol i mas mekim em i kamap 'Bleset' pastaim. Dispela i ken kamap sapos wanpela mirakol i kamap bihainim dai bilong em.

Em nau ol i mas lukluk long wanpela mirakol bihain long ol i givim nem 'Bleset' long en. Bihain long en, sapos wanpela mirakol i kamap gen, ol i ken givim luksave long em olsem wanpela 'Santu'.

Matmat bilong Pop i op long pablik

OL MANMERI nau i ken go na lukim matmat bilong leit Pop John Paul 2 bihain long Vatiken i opim long Trinde long dispela wik.

134 Kadinel long 183 bilong ol i sindaun long Koles ov Kadinels i bin sindaun long namba 7 kibung bilong ol bihainim dai bilong John Paul 2.

Kibung bilong ol i bin pinis wantaim wanpela prea long ol Katolik long askim Holi Spirit bilong helpim ol kadinel long konklev we bai i stat neks wik Mande.

Matmat bilong Pop we i stap insait long wanpela mabel simen i stap long ples we John XXIII i bin slip bihain long dai bilong em long 1963 i go inap 2000 taim ol i srukim i go long St Peters Basilica bihain long biat-fikesen bilong em.

Ol kadinel yet i bin go lukim matmat bilong em long Tunde long dispela wik.

Kadinel Marchisano tok Pop i stretim em

WANPELA kadinel husat i bin wok klostu wantaim leit John Paul 2 i tok olsem wanpela bikpela sik bilong nek i bin lusim em bihain long Pop i prea long en na holim nek bilong em.

Kadinel Francesco Marchisano, Aspater bilong St. Peter's Basilica i tokaut long dispela long Sarere las wik, namba tu de bilong 9-pela de misa bilong makim matmat bilong Santu Papa.

Em i bin poroman bilong

Karol Wojtyla long 1962 yet. Em i bin tokaut long dispela stori taim em i mekim misa long Basilica wantaim Asbisop Stanislaw Dziwisz, pesene seketeri bilong Pop.

Em i tok 5-pela yia i go pinis ol dokta i bin katim wanpela bikpela rop bilong blut long nek bilong em we i save karim blut i go long het. Ol i bin abrus na rop bilong nek bilong en long toktok i bin lusim strong bilong en na em i save painim hat long

toktok.

"Taim Santu Papa i kamaut long bungim mi, em i bin holim dispela hap bilong nek bilong mi we ol dokta i bin katim.

"Mi no toktok. Em yet i tokim mi, "Noken pret. Bai yu lukim...bai yu lukim...Lod bai givim bek nek bilong yu. Bai yu lukim. Mi bai prea long yu. Bai yu lukim... Bihain long dispela, mi bin orait," Kadinel Marchisano i tok.

Vidio soim ples we ol Kadinel bai bung

WANPELA vidio i kamaut long Vatiken Televisen Senta i soim ol nius manmeri long ol ples we ol kadinel bai bung long makim nupela pop.

Bikpela ples stret em Sistine Chapel we ol bai vot long makim nupela pop. Narapela hap em Domus Sanctae Marthae o Haus bilong Santu Martha, haus we 115 kadinel bai slip.

Dispela vidio we ol niusmanmeri i bin lukim i soim ol rum, haus lotu, na ol arapela hap olsem rot ol kadinel i mas wokabaut bihainim long go kamap long Sistine Chapel.

Taim ol i wokabaut insait long ol dispela ples, ol i no inap long toktok long wanpela manmeri i stap ausait.

Vidio i soim tu ol bikpela botol bilong karim ol vot bilong ol kadinel. Wanpela em bilong karim ol vot bilong ol kadinel insait long Sistine Chapel. Narapela bai karim ol vot long ol rum bilong ol kadinel i sik na stap.

Namba tri em bai ol i yusim long kisim ol pepa bihain long ol i kandim gen pastaim long ol i kukim long paia.



• Ol kadinel i sindaun long matmat bilong leit Pop.



PNG POWER LTD I LAIK TOKSAVE LONG OL PABLIK OLSEM EM I TAMBU TRU LONG STILIM PAWA LONG OL DISPELA KAIN ROT:-

- 1. BAGARAPIM OL MITA**
- 2. WOKIM OL KONEKSEN BILONG YU YET**
- 3. KISIM PAWA LONG EKSTENSEN KOD LONG HAUS BILONG OL NARAPELA LAIN.**

SAPOS OL PNG POWER WOKMAN I PAINIM YU OL BAI KISIM YU GO LONG KOT NA I GAT BIKPELA MEKIMSAVE LONG DISPELA KAIN STIL PASIN. SAPOS YU WOK LONG STILIM PAWA YU MAS STOPIM DISPELA PASIN NA BAIM BIL BILONG YU STRET O LUKIM PNG POWER NA APLAI LONG KONEKTIM GUT.



Tok pilai wantaim Kanage olgeta wik!!

Ol tru tru poro o wantok bilong gutpela raitman Kanage i laikim tru sapos yupela i ken salim sampela tokpilai bilong yupela i kam na mipela putim long tok pilai kona bilong Kanage. Salim i kam long TOK PILAI KANAGE P.O. Box 1982, Boroko, NCD o kam long opis klostu long BSP Waigani klostu long Mondo Sekanhan klos stua. Mipela stap long las opis. Sopotim raitman bilong yumi, Kanage!!

Kanage bilong Kerema. Wanpela taim em i go wokim gaden bilong em arere long buai gaden bilong em yet.

Nupela gaden bilong planim kaikai tu olsem kaukau, yam, tapiok, pamkin na ol arapela kaikai. Kanage katim olgeta diwai pinis tasol wanpela diwai tasol i sanap em i longpela na i kuruket na em ben i go olsem long olpela buai gaden bilong em.

Sapos em i katim bai dispela diwai i pundaun na bagarapim buai gaden olsem na Kanage sindaun na tingting planti stret.

Em nau Kanage i tingim wanpela aidia olsem na em kisim wanpela rop na taitim long diwai na hap long lek bilong em na em stat katim dispela diwai.

Bai diwai i noken pundaun na bagarapim buai gaden bilong em.

Tasol aidia bilong Kanage i no gutpela tumas na taim diwai i pundaun em i pulim Kanage i go antap tru na hangamap olsem wanpela monki na kus i kapsait na i wok long singautim ol man long kam helpim em.

**ROY MITA
POT MOSBI
NCD**

Kanage bilong Katu plentesin. Na em wok wantaim ol lapun long oil pam.

Paps Kanage em wanpela bos olsem checker bilong ticketim bunches.

Orait wanpela moning ol lain bilong Kanage i wok long blok 4 na Kanage em rait isi isi i stap na ol sampela meri bilong kolektim lus frut ol i kam bihain.

Tasol Kanage em i stap long bus na em

harim lap bilong ol meri na wokabout i kam long rot. Orait Paps Kanage tok moning long ol mama.

Olgeta meri ol bekim moning tasol wanpela i nogat.

Orait Kanage em save pinis husat meri i no bekim moning long em.

Na Kanage em bin bihainim ol yet na tok yu i no bekim moning bilong mi yet. Yupela koros long mi o nogat.

Orait olgeta yet tok moning gen na Kanage em kisim bikpela amamas long em.

Nau paps Kanage stori long ol mangi na tok yupela stori long meri em bung bilong mi stret.

Yu wanpela i no inap long winim mi.

**MONIAS KANA
KAVIENG NU AILAN PROVINS**

Kanage em bilong ples Serra long liklik ples ol kolim Avovo. Wanpela Fraide i gat pati bilong klab long wanpela liklik ples yet long Serra em Puindu.

Na Kanage wantaim ol famili bilong em i wokabout i go long dispela ples long amamas wantaim ol lain long dispela pati.

Taim ol i kamap Kanage i lusim ol famili bilong em na go pinis joinim ol wan skwat bilong em na stat long spak. Ol i dring i go inap moning na Kanage i spak nogut tru.

Kanage i lusim ol meit bilong em nau na stat long mekim nambaut nambaut. Na taim Kanage i faul olgeta em i go daun long nambis na i laik waswas bikos em i hot nogut tru.

Em i rausim olgeta samting na i stap wantaim pens tasol. Em i wokabout i go daun

tasol spak i mekim na em pundaun long wesana na slip i dai olgeta inap ples i klia olgeta long moning taim na olgeta lain i kam lukim em.

Na taim ol i kam kirapim em, em i sem nogut tru na ran i go insait bus wantaim pens bilong em.

**KANZ PES
VANIMO SANDAUN PROVINS**

Kanage em bilong Kirene insait long lalibu distrik.

Kanage em man bilong karim paiawut olsem na wanpela taim em i go long bus na painim paiawut.

Paps Kanage em boi long ples olsem na em pasim skin diwai na putim tamiok long solda na em wokabout i go long haus. Taim Paps Kanage kamap long bus em i lukim wanpela drai diwai em i stap.

Em nau Paps Kanage stat long katim drai diwai. Drai diwai ya em wanpela diwai we ol manmeri long ples i save laikim long en, nem bilong diwai em ol i save kolim long 'walu kapu'. Kanage boi nogut wok long katim katim na em pundaunim.

Taim diwai slip i go daun pinis, Paps Kanage rausim tamiok bilong em tasol na subim long skin diwai bilong em na em ron i go antap long nek bilong diwai.

Em nau Paps Kanage lukim ol naispela han bilong diwai em drai gut tru na em stap tasol em i no save wanem hap em i putim tamiok bilong katim han bilong diwai na karim i go long haus.

Trangu em putim tamiok insait long skin diwai tasol em lus tingting pinis. Em painim i

go i go tasol em i no inap long kisim na em i go nating long haus.

Paps Kanage em i no karim paia tu em i go nating long apinun stret long haus. Tamiok ya em stap yet long skin diwai bilong em tasol em i no save.

Long haus, meri bilong em redim nupela kaukau na sampela nupela kumu wantaim tasol nogat paiawut bilong kukim na em wetim man long karim paiawut i kam long haus.

Tasol em lukim Paps Kanage wokabout i kam long rot yet na em lukim olsem em i no karim paiawut tasol em i kam nating na em i lukim tamiok tasol em stap insait long skin diwai bilong em.

Meri ya beihat nogut tru nau na singaut na tok, he-e, dispela yangpela man wai na yu no karim paiawut i kam long haus?

Paps Kanage em kam klostu long haus dua liklik nau em tokim meri bilong em, he-e meri mi lukim tamiok long bus na mi no karim paiawut i kam long haus olsem na yu mas sori long mi.

Taim Paps Kanage tok olsem meri ya lap indai stret na em i tokim em, yu wanpela rait man stret na wanem samting em stap long skin diwai bilong yu?

Paps Kanage lukluk i go daun long skin diwai bilong em yet tasol em i no lukim na em i kam nating haus. Na em giamanim meri bilong em na em i tokim em olsem, sori meri het bilong mi pen na mi kam nating. Em tok olsem nau em rausim tamiok nau em katim ston na bagarapim tamiok stret.

**DOMINIC AWAPE
IALIBU SAUTEN HAILANS PROVINS**



Raun painim buai wantaim raitman Kanage!



Kanage wantaim meri bilong em go draiv i go na pakim kar antap long maunten rot na Kanage go painim buai...Meri bilong Kanage sindaun insait long kar...Kanage i lus tingting long pulim han brek na kar i revis i go daun long hil...Kanage i kirap nogut long harim misis i singaut insait long kar long Kanage i seivim em...



Laikim Penpren

Nem: Mensah Alex
Krismas: 19 (man)
Adres: C/- Mr John K. Mensah, PO Box 40, Assin Fosu, C/R Ghana, West Africa
Save laikim: Pilai volibol, ritim buk, harim musik na railim pas.

Nem: Razo Abraham
Krismas: 15 (man)
Adres: Free Grace Baptist, PO Box 344, Wau, Morobe Province
Save laikim: Pilai soka, harim musik, go lotu, pilai gita na stadi na wokim penpren.

Nem: David Makapai
Krismas: 18 (man)
Adres: C/- Goroka CODE Centre, PO Box 990, Goroka, Eastern Highlands Province
Save laikim: Pilai ragbi na save laikim ol lotu musik na tok pilai wantaim ol narapela pren.

Nem: Warren Josh
Krismas: 24 (man)
Adres: PO Box 540, Kimbe, West New Britain Province
Save laikim: Railim pas na tok pilai wantaim ol pren.

Nem: Alfred Elai
Krismas: 18 (man)
Adres: Niargariwia High School, PO Box 33, Mendi, Southern Highlands Province
Save laikim: Pilai ragbi tas, volibol na basketbol, helpim papamama long gaden long taim bilong holide, painim abus long bus na go lotu.

Nem: Ruth Kelly
Krismas: 26 (meri)
Adres: PO Box OD 44, Agoma Odoben, C/R Ghana, West Africa
Save laikim: Raun lukim ol ples, swimming, kukim kaikai na pilai spot.

Nem: Louisa Ulai
Krismas: 18 (meri)
Adres: PO Box 68, Wewak, East Sepik Province
Save laikim: Wokim penpren, senisim poto na presen, stori wantaim ol poro na harim musik.

Nem: Kassa Tom
Krismas: 28 (mar)
Adres: PO Box 1316, Lae, Morobe Province
Save laikim: Ritim ol niuspepa na buk, tok pilai, singsing lotu, wok gaden, lukautim ol animol, sindaun isi long haus.

Nem: Leah Mensah
Krismas: 20 (meri)
Adres: Fosu Dome, J.SS, PO Box 87, Assin Fosu, C/R Ghana, West Africa
Save laikim: Raun lukim ples na senisim poto na presen.

Nem: Constance Mensah
Krismas: 19 (man)
Adres: Assin Manso Sec. School, PO Box 30, Assin Manso, C/R Ghana, West Africa
Save laikim: Go long skul, ritim buk, pilai spot na senisim poto na presen.

Nem: Richard Nuata
Krismas: 19 (man)
Adres: Bema High School, PMB, PO Lae, Morobe Province
Save laikim: Pilai soka, volibol, basketbol, stori tumbuna, tok pilai, railim pas, harim lokel na gospe! musik, raun long bus, go lotu, bungim ol nupela pren na raun lukim ol ples.



STORI TUMBUNA

BIPO, bipo tru wanpela liklik ples ol i kolim long Tipinini i nogat wara.

Long dispela ples i gat wanpela man na meri. Nem bilong tupela em Lemeyan na Lakeyam. Lemeyan em man na Lakeyam em meri. Long dispela taim tupela i nogat pikinini, tupela tasol i stap.

Tupela i stap i go na man Lemeyan em wok bilong en long pulapim wara na brukim paiawut. Meri Lakeyam em wok bilong en long wokim gaden na lukautim pik.

Nau, Lemeyan i save go pulapim wara we Lakeyam em i no save. Lakeyam em save pilim olsem, i nogat wanpela wara i save i kam long hia na Lemeyan em save kisim wara long wanem hap tru?

Orait, wanpela taim san i lait gut tru na gutpela taim tru i kamap. Orait, Lemeyan wantaim Lakeyam tupela i stap klostu long haus dua bilong ol. Tupela i sindaun na tupela i lukim wanpela pisin i flai i kam na sindaun antap long wanpela diwai klostu long haus dua bilong tupela, na em lusim wanpela pinga kapa bilong pik. Lemeyan lukim i pundaun long graun na em i kisim.

Tupela i lukim pinis nau na Lemeyan i kirap na askim pisin, "Bilong wanem yu karim dispela pinga kapa bilong pik i kam na givim long mitupela?"

Em tokim pisin olsem, "Yu lukim wanpela man i dai na i kam, o wanpela pik i lus na yu kam o wanpela man i kilim pik na ol salim tok long yu long i kam kisim mi. Olsem wanem tru na yu i kam?"

Orait nau, pisin i tanim tel bilong en na tok, "Nogat."

Orait, Lemeyan i askim em gen, "Ol sampela lain man ol i mekim bikpela pati na ol i kilim pik bilong ol na ol salim toktok nabaut long olgeta ples na ol salim tok long yu long i kam kisim mi o olsem wanem?"

Lemeyan tok olsem nau, pisin i harim

Wara i kam long ston



dispela tok na em daunim het bilong en na em kirap raunim haus na rausim wanpela tel bilong en na em lusim klostu long pes bilong Lemeyan na em i plai i go.

Lemeyan em i kisim dispela tel bilong pisin na em kirap tokim Lakeyam na tok, "Dispela pisin em toksave long mitupela pinis na mi bai i go long dispela pati, na yu i mas stap long haus. Na yu lukautim pik bilong mitupela i stap."

Orait Lakeyam em i tok "Orait tasol yu i mas redim paiawut wantaim wara bilong mi na yu i go."

Orait Lemeyan i harim tok bilong Lakeyam na em i hariap tasol brukim ol paiawut na hipim i go inap pulap tru long haus. Orait em kirap katim 4-pela long-pela mambu na em hariap tasol em i go pulumapim wara long ples em save i go pulumapim long en. Orait em pulapim pinis em karim i kam na em i putim long haus pinis na em i sindaun liklik na em

tokim Lakeyam, "Nau bai mi wokabaut i go na mi slip name! long rot na tumora mi wokabaut i go na bai mi inap kamap long ples bilong pati, na bai mi inap long slip na narapela de em ol inap long statim pati. Na mi kaikai i stap inap wanpela de na narapela de long en bai mi inap i kam slip long rot. Na namba 6 de long en bai mi inap kamap long haus."

Na em i tokim Lakeyam olsem, "Yu i no pinisim wara hariap, inap 5-pela de. Na long namba 6 de long en yu pinisim long moning taim samting orait."

Orait nau, Lemeyan em i kirap em kisim ston akis bilong en na em i kisim banara bilong en, kisim olgeta bilas bilong en na em karim bilum bilong en na em kirap i wokabaut i go i go inap tudak i painim em na em i slip long rot.

Stori bai i go moa yet neks wik.

Mi laikim helpim long wari bilong mi

Dia Laiplain,

Mi wanpela yangpela papa i gat liklik tupela mun bebi. Bihain long meri bilong mi i bin karim bebi, mi pret long slip wantaim em na mi save go aut wantaim ol arapela meri.

Mi tupela meri bilong mi i kros pait planti long dispela na mi les pinis. Mi save wok long san na meri bilong mi i pret long go long famili plening klinik em yet.

CONCERNED FATHER

Dia Pren,

Amamas long yu long nupela bebi bilong yu.

I gutpela long yu i tingting long meri bilong yu long kisim famili plening taim em i karim bebi nupela tasol. Givim taim long gat narapela bebi tu o tripela yia bihain na mekim meri bilong yu i kisim gutpela malolo na strong.



helt long slip wantaim meri bilong yu bihain long tupela mun em i karim bebi. T

asol yu tupela i mas pasim tok long wanem famili plening rot long bihainim long en na bai yupela i ken gat spes long wanem taim bai yupela i gat narapela bebi.

Em i save hat long ol yangpela na nupela mama long lukautim namba wan bebi. Skin bilong meri bilong yu bai i les tasol em bai amamas long yu stap wantaim long sapotim na helpim em long dispela taim.

Em bai laikim luksave bilong yu long dispela taim.

Yu ting yu mekim gutpela pasin taim yu go aut wantaim ol narapela meri?

Yu na ol meri ya i save tu olsem bai yupela i ken kisim ol kain sik we AIDS i wanpela long ol long wanpela arapela, sapos wanpela i gat dispela

sik? Yu tok yu yangpela man tasol nau yu gat wok olsem nupela papa na dispela em i bikpela wok we yu mas wokim nau.

Laiplain

Mipela i save toktok long ol hevi we i kamap tru. Sapos yu gat hevi, rait i kam long LIFE-LINE, P O Box 6047, Boroko, NCD. K2 long Putim K2 na Laiplain i ken salim bekim leta bilong yu. Dispela K2 em i bilong baim envelop, stem samting.

Putim trupela nem bilong yu na mipela i ken salim pas i kamp stret long yu. Mipela i no inap putim nem tru bilong yu long stori.


Laiplain



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Cassia siamea (Thailand Shower)



Nem bilong en: Cassia siamea o Thailand Shower

Ples diwai i kam long en: Saut Is Esia, tasol em i save groa planti insait long Papua Niugini yet.

Groa bilong dispela diwai: Dispela diwai i save groa hariap tru; em i gutpela long groim olsem wanpela diwai long sait bilong rot na aninit long ol bikpela haus insait long taun.

Ples we em i save groa: Em i save groa strong long kain kain hap graun, tasol em i save groa strong moa long ples daun we i save kisim namel long 500 na 2800 mm ren.

Bikpela bilong em: Dispela diwai i ken groa i go antap inap 20 mita samting. Tasol long ol ples we drai na nogat planti ren,

em i save groa i go inap 5 mita.

Yu ken yusim dispela diwai: Ol i save yusim dispela diwai bilong mekim ol tebol na sia, pos bilong haus na bilong banisim ol arapela gaden kaikai long strongpela win na ren.

Em i wanpela gutpela paiawut diwai tu. Yu ken yusim bilong pasim san long kakao, kopi na ti.

Rot bilong groim: Em i ken groa long pikinini o sid bilong en tasol. Yu ken kisim ol olupela pikinini diwai taim ol i pundaun lusim diwai na kala bilong i kamap braun.

Bihain long yu kisim ol dispela pikinini diwai yu mas drain long san inap sampela de i lus.

Sapos yu laikim ol pikinini diwai i groa hariap, yu ken putim ol insait long kolwara inap long 12 aua.

Menesmen bilong diwai: Ol dispela diwai i save groa long ol plantesen.

Sapos yu groim bilong kisim paiawut, yu mas planim ol 1 x 1 ins i go inap 1 x 3 ins. Yu bai inap katim paiawut namel long 5 na 7 yia.

Yu mas rausim ol gras nogut namel long namba wan na namba tu yia bilong en.

Moa neks wik.

MCCARTHY & ASSOCIATES (FORESTRY) PTY. LTD.
National & International Forest Consultants
mccaf@datec.net.pg

"Long kisim tok stia long olgeta wok diwai"

CIC sapatim PNG Kopi Festival



¥ Mista Mitio (rait) i givim K15,000 sek mani long Mista Carver. Foto: JAMES KILA

James Kila i raitim

PAPUA Niugini Kopi Festival na Tred Fe we bai kamap long neks mun Me 5 i go 7 de, i kisim planti gutpela sapatim tru i kam long ol bisnis haus insait long kantri.

Las wik tasol i lukim opis i go pas long lukautim wok bilong kopi indastri long kantri, Kopi Indastri Koperesen (CIC), i givim K15,000 sponsasip mani long sapatim dispela festival we bai kamap long Goroka, Isten Hailans provins.

Sief Eksekyutiv Opisa bilong CIC, Ricky Mitio, i bin givim dispela sek mani i go long man i go pas olsem Siaman bilong PNG Kopi Festival/Tred Fe, Norman Carver.

Mista Mitio i tokaut olsem CIC i amamas long wok klostu wantaim PNG Kopi Festival Komiti long promotim na soim tru olsem kopi em i bun tru bilong ol liklik manmeri long ples na hauslain insait long kantri long sait bilong ikononomik divelopmen.

Em i tok tu olsem i no longtaim i go pinis Bod bilong CIC i bin givim tok orait olsem opis i mas i go pas long givim sapatim long dispela festival we i promotim kopi indastri long PNG.

Narapela gutpela samting tu em ol sumatin long ol skul insait long Isten Hailans provins na PNG i ken lainim ol gutpela samting long dispela tred fe long helpim divelopmen bilong ol long bihain taim.

Festival na fe we i stat 4-pela yia i go pinis, nau

yet i wok long go bikpela tru na i save lukim planti ol gutpela samting we ol lain i soim long sait bilong ol samting bilong wok bilong kopi, wok bisnis na agrikalsa, komesel, na tumbuna singsing na bilas.

Dispela helpim bilong CIC bai lukim namba bilong ol singsing grup long festival i go antap.

Mista Carver i tokaut tu olsem namba bilong ol singsing grup long dispela yia em 30, tasol dispela helpim bilong CIC bai lukim i go antap long 40, na ol i bringim hap bilong kamapim ol dispela singsing grup i go ausait long Goroka Nesanel Pak.

Em i tok olsem long dispela yia ol nupela samting we bai i go insait long festival bai lukim ol lain bilong POSF (Pablik Opisas Supaenuesen Fand) i putim wanpela haus long soim ol wok samting bilong ol long hap.

Long dispela haus bai i gat ol ilektronik masin we i ken soim ol kastoma ol balens bilong ol sapos ol i laik save, em i tok.


Em i tokaut tu olsem dispela festival bai kamap laip long tupela radio stesen bilong PNGFM, em Nau FM na Yumi FM.

Nau yet dispela festival i pulim planti turis tru long ovasis na tu ol lokel kampani long bukum ol hotel na ples slip long Goroka long stap long dispela bikpela festival.

Mista Carver i tok olsem festival long dispela yia bai bikpela na gutpela moa na em i tok tenkyu i go long CIC long dispela helpim bilong mani.

Cat 'C' Series Hydraulic Excavators

- 305C, 307C,
- 308C, 311C,
- 312C, 314C,
- 315C, 318C,
- 320C, 322C,
- 325C, 330C



Caterpillar 'C' Series Hydraulic Excavators incorporates innovations for improved performance and versatility.

- **Engines and Hydraulics** - Cat[®] engines combine with proven hydraulics to give consistently high power and control in the field.
- **Structures** - Rugged Caterpillar[®] undercarriage design and proven structural manufacturing techniques assure outstanding durability in the toughest applications.
- **Operator Stations** - Operator work stations are quiet with ergonomic control placement and convenient adjustments, low lever and pedal effort, ergonomic seat design and highly efficient ventilation.
- **Serviceability** - Longer service intervals and easier maintenance results in better machine availability and lower owning and operating costs.

Hastings Deering



PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155

RABAUL
Phone: 982 1244
Fax: 982 1129



Radio Australia
101.9FM Port Moresby
Tok Pisin News

Tok Pisin Service
6am - 7am: 6000, 7240(KHz)
7pm - 9pm: 5990, 6020, 9710, 1280(KHz)

RADIO TOK PISIN PROGRAM
TUNE IN: 101.9 FM

Radio Australia Tok Pisin Program - stat long mun Mas 2005

PASIFIK NIUS

Guria i kamap long solwara klostu long PNG

WANPELA strongpela guria i bin kamap long ol solwara long not bilong Papua New Guinea.

Hong Kong Obsevatori i tok strong bilong dispela guria i bin nap long 6.5 long Rikta Skel na em i bin kamap samting olsem 30 minit i lusim 8 kilok long nait, Hong Kong taim.

Namel bilong guria i bin stap long solwara long not bilong Papua Niugini, samting olsem 590 kilomita long Is-Saut Is bilong Jayapura, long Papua provins bilong Indonesia.

Ol i no kisim ripot long ol sampela man i dai o sapos sampela samting i bagarap.

Solomon Ailans gat tupela nupela jas

OL i makim pinis tupela nupela Hai Kot Jas long Solomon Ailans.

Ol kot long Solomons i gat planti bikipela kot kes bilong lukluk long en, bihain long gutpela wok bilong Rijinel Asistens Misin o RAMSI long

kamapim gut lo na oda insait long kantri.

Wanpela long ol nupela jas em man husat i bin Sief Majistret bilong Fiji bipo, Sekove Naqiolevu husat i bin wok bipo long PNG na tu olsem wanpela memba bilong RAMSI tasfos.

Jastis Naqiolevu i tok em i pilim olsem em i gat inap save bilong bungim ol salens long dispela nupela wok.

Fiji mas luksave nau long miks reis komyuniti: Ganilau

LIDA bilong nupela politikel pati long Fiji em National Alliance i tok em i taim nau long Fiji long luksave na bihainim miks reis komyuniti wei long wokabout bilong en i go long bihain taim.

Ratu Epeli NGanilau i bin ami komanda bipo na i hetman blong Gret Kaunsel ov Chiefs, wanpela lain em planti manmeri i save harim toktok blong ol.

Em i bin kirapim dispela nupela National Alliance Pati bilong em long wik i go pinis.

Em i tok bikipela pletform o samting we pati i sanap

strong long en em multi-racialism o ol kain kain pipel we i stap wantaim.

Ratu Epeli i tok em i taim bilong ol pipel bilong Fiji long askim wanem samting Fijian nesanelisim i wokim pinis long kantri bihain long planti yia nau.

Nupela Solomons Polis Komisina i redi long stat wok

WANPELA polisman bilong Australia nem bilong em Shane Castles nau i kamap nupela Polis Komisina bilong Solomon Ailans.

Mista Castles i wok pinis long Federal Police bilong Australia inap long 28 yia. Em i bin go pas tu long rereim ol samting bilong salim RAMSI, Rijinel Asistens Misin i go long Solomon Ailans i bin givim tru mak bilong Polis Komisina long Mista Castles tude long apinun.

Minista bilong Polis long Solomon Ailans Augustine Tanek i tok em i ting Mista Castles bai go het long gutpela wok bilong William Morrell, man em i senisim.

Fiji kot i rausim tupela bisniseri tasol i nogat long pikinini

WANPELA loya i sanap makim ol bisnis man bilong Saina nem blong en Yan Xiu Hua (Yun Shu Hwah), em ol i bin rausim long Fiji, i laik save bilong wanem na ol i no rausim yangpela pikinini meri bilong em.

Fiji Hai Kot i no bin oraitim aplikesen bilong Mis Xia Hua long sitijensip long wanem em i gat nem nogut long polis rekot long China, na Fiji Home Affairs Minista i bin rausim em long kantri. Minista i tok ol i rausim em long wanem em i gat nogut imigresin rekot.

Loya bilong Saina meri ya, Mehboob Raza i tok ol i no sasim em yet long wanpela samting na i tok em i rong long ol atoriti long rausim em, tasol lusim pikinini meri em i bin karim long Fiji we i gat 11-pela krismas i stap bek long kantri. Dairekta bilong Imigresin Emori Tuqia (toong-ghée-ah) i tok em i no nap mekim wanpela toktok long dispela.

MANDE
Morning
6AM Stesen Op - Nius na Karen Afeas
6.30AM Ol Heltain - Musik na Chat
6.55AM Heltain na Musik
7AM Stesen Pas
Nait
7PM Stesen Op
7.01PM Ol Heltain na Program Priviu
7.15PM Spots
7.30PM Nius na Karen Afeas
8PM Helt
8.15PM Musik
8.30PM NIUS
8.40PM Spots Riplei
8.55PM Musik
9PM Stesen Pas

TUNDE
Morning
6AM Stesen Op - Nius na Karen Afeas
6.30AM Nius Heltain - Musik na Chat
6.55AM Heltain na Musik
7AM Stesen Pas
Nait
7PM Stesen Op
7.01PM Ol Heltain na Program Priviu
7.15PM Musik na Chit-Chat
7.30PM Nius na Karen Afeas
8PM Mama Graun
8.15PM Musik/Spots
8.30PM NIUS
8.40PM Helt Riplei
8.55PM Musik
9PM Stesen Pas

TRINDE
Morning
6AM Stesen Op - Nius na Karen Afeas
6.30AM Ol Heltain - Musik na Chat
6.55AM Heltain na Musik
7AM Stesen Pas
Nait
7PM Stesen Op
7.01PM Ol Heltain na Program Priviu
7.15PM Musik na Chit-Chat
7.30PM Nius na Karen Afeas
8PM Focus
8.15PM Musik/Spots
8.30PM NIUS
8.40PM Mama Graun Riplei
8.55PM Musik
9PM Stesen Pas

FONDE
Morning
6AM Stesen Op - Nius na Karen Afeas
6.30AM Ol Heltain - Musik na Chat
6.55AM Heltain na Musik
7AM Stesen Pas
Nait
7PM Stesen Op
7.01PM Ol Heltain na Program Priviu
7.15PM Musik na Chit-Chat
7.30PM Nius na Karen Afeas
8PM Youth
8.15PM Musik/Spots
8.30PM NIUS
8.40PM Focus Riplei
8.55PM Musik
9PM Stesen Pas

FRAIDE
Morning
6AM Stesen Op - Nius na Karen Afeas
6.30AM Ol Heltain - Musik na Chat
6.55AM Heltain na Musik
7AM Stesen Pas
Nait
7PM Stesen Op
7.01PM Ol Heltain na Program Priviu
7.15PM Musik na Chit-Chat
7.30PM Nius na Karen Afeas
8PM Wantok
8.15PM Musik
8.30PM NIUS
8.40PM Youth Riplei
8.55PM Musik
9PM Stesen Pas

SARERE
Morning
Sotwev i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na lusim FM siknel.
Nait
7PM Stesen Op
7.01PM Ol Heltain na Program Priviu
7.15PM Musik na Chit-Chat
7.30PM Nius / Wantok Riplei
8PM Serah (Familii bilong Serah)
8.15PM Musik
8.30PM NIUS
8.40PM Musik na Chit-Chat
8.55PM Musik
9PM Stesen Pas

SANDE
Morning
Sotwev i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na lusim FM siknel.
Nait
7PM Stesen Op
7.01PM Ol Heltain na Program Priviu
7.15PM Musik na Chit-Chat
7.30PM Nius / Serah Riplei
8PM Riviu
8.30PM NIUS
8.40PM Musik na Chit-Chat
8.55PM Musik
9PM Stesen Pas

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

WOL NIUS

ASEAN no laikim Australia na Nu Silan long Is Esia samit

AUSTRALIA na Nu Silan bai no nap joinim wanpela miting bilong ol lida long Esia dispela yia sapos tupela i no sainim wanpela tok orait wantaim Asosiesen ov Saut Is Esien Nesens i tok, wanpela kantri i no nap kirapim pait agensim narapela.

Ol Foren Minista bilong ol ASEAN memba kantri i bin mekim wanpela toktok olsem wanem kantri i laik stap long dispela Is Esia samit i mas sainim pastaim wanpela tok orait ol i kolim, Treaty of Amity and Cooperation.

Dispela triti i tambu long ol kantri i sainim long noken yusim pasin bilong woa long stretim ol kain bel-kros i kamap insait long rijen.

Ol ASEAN Foren Minista i tokim Australia long sainim dispela Triti bilong mekim ol i bel gut long save olsem em bai noken wokim tru wanpela toktok em i bin mekim bipo olsem, em i ken go insait long wanpela kantri long Esia bilong paitim ol teroris, maski dispela kantri long Esia i no larim em long go.

Australia, Nu Silan na India i tok ol i laik stap tu long dispela bung bilong ol lida, em Malesia bai lukautim long mun Disemba.

Malesia i tok long mun i go pinis olsem ating moa beta ol i no larim dispela tripela kantri long stap long nambawan miting.

Indonesia i tok em i helpim laik bilong Australia long stap long dispela Is Esia bung.


Praim Minista bilong Japan askim Saina long lukautim ol Japan manmeri long hap

PRAIM Minista bilong Japan, Junichiro Koizumi i askim Saina long pasim kain protes na nogut tingting agensim Japan em i bin kamap long wiken.

Mista Koizumi i tok em i sori long lukim ol pipel bilong Saina i go kamapim bagarap long diptometik misin bilong Japan na ol haus kaikai taim ol i wokim protes. Olsem na em i askim Saina long lukautim sekyuriti bilong ol pipel bilong Japan i stap insait long Saina.

Samting olsem 10,000 pipel bilong Saina i bin mas i go long Beijing long Sarere bilong soim belhat bilong ol long pasin bilong Japan long haitim ol pasin nogut em i bin mekim long Saina long taim bilong woa.

Long Sande, samting olsem 20,000 pipel bilong Saina i bin holim protes mas agensim Japan long Shenzhen na Guangzhou siti long saut bilong Saina.



Want a place in the global village?
Fresh sounds, phat beats
Inspiring, informing & plugged in
Open up YOUR mind
New moves, new grooves
Sharing views and creating smiles

In the Loop
Hosted by Isabelle Genoux & Heather Jarvis

Radio Australia
101.9FM
Port Moresby
Daily 11.30am
radioaustralia.net.au/intheloop

<p>RAGBI LIG Pot Mosbi Raun 7</p> <p>Sarere 16 Epril, 2005</p> <p>PRL 1</p> <p>09:00 DCA vs Paga Panthers R</p> <p>10:30 Puma vs West R</p> <p>12:00 Hawks vs Royals R</p> <p>1:30 DCA vs Paga Panthers A</p> <p>3:00 Puma vs West A</p> <p>4:30 Hawks vs Royals A</p> <p>PRL 2</p> <p>09:00 Hawks vs Royals U17</p> <p>10:30 DCA vs Paga Panthers U17</p> <p>11:30 Puma vs West U17</p> <p>12:30 Hawks vs Royals U19</p> <p>1:30 DCA vs Paga Panthers U19</p> <p>2:30 Puma vs West U19</p> <p>Sande 17 Epril, 2005</p> <p>PRL 3</p> <p>Dobo Warriors vs Kone Tigers R</p> <p>Brothers vs Magan R</p> <p>Waliya vs Tarangau R</p> <p>Brothers vs Magani U19</p> <p>Defence vs Souths U19</p> <p>PRL 2</p> <p>09:30 Waliya vs Tarangau U17</p> <p>10:30 Dobo Warriors vs Kone U17</p> <p>11:30 Brothers vs Magani U17</p> <p>12:30 Defence vs Souths U17</p> <p>1:30 Waliya vs Tarangau U19</p> <p>2:30 Dobo Warriors vs Kone U19</p> <p>PRL 1</p> <p>09:00 Defence vs Souths R</p> <p>10:30 Waliya vs Tarangau A</p> <p>12:00 Defence vs Souths A</p> <p>1:30 Dobo Warriors vs Kone A</p> <p>3:00 Brothers vs Magani A</p>	<p>U21</p> <p>09:20 Los Negros vs Jaha W1</p> <p>10:30 PS Rutz vs Guria WP</p> <p>11:50 University vs LBC Defence P/R</p> <p>13:10 Souths Utd vs Tawala W1</p> <p>14:10 University vs Cosmos WP</p> <p>16:00 Rapatona vs Sunset P</p> <p>Sir John Guise Stadium - Oval 1</p> <p>08:00 Sobou vs POM Business Coll U21</p> <p>09:20 Nomads vs Sobou D3</p> <p>10:30 Telikom vs Orogen D2</p> <p>11:50 Maset vs Bomana PC D3</p> <p>13:10 Manambu vs Bavaro U21</p> <p>14:30 Fernor vs Tarangau D2</p> <p>16:00 Jaha vs Verave D2</p> <p>17:20 PNG Gardener vs Lus Prutz D2</p> <p>Sande 17 Epril, 2005</p> <p>Bisini Wan</p> <p>08:00 Rapatona vs Sunset U21</p> <p>09:20 LBC Defence vs Mungkas W1</p> <p>10:30 Manambu vs Cellnet D1</p> <p>11:50 Naniu vs Sobou W1</p> <p>13:10 Telikom vs PNG Gardener WP</p> <p>14:30 Naniu vs Pacifica Utd D1</p> <p>16:00 Blue Kumuls vs Mirel Momase P</p> <p>Bisini Tu</p> <p>08:00 Cosmos vs Souths Utd U21</p> <p>09:20 Mungkas vs Murat D1</p> <p>10:30 WMI vs Rapatona WP</p> <p>11:50 Blue Kumuls vs Mirel Momase U21</p> <p>13:10 Lamana GFN vs Murat WP</p> <p>14:30 PS Rutz vs Kurti Andra P</p> <p>16:00 University vs LBC Defence P</p> <p>Sir John Guise Stadium - Oval 1</p> <p>08:00 Guria vs Badili Utd U21</p> <p>09:20 Blue Kumuls vs Mirel Momase P/R</p> <p>10:30 Markham Yarangs vs KG United D3</p> <p>11:50 Cellnet vs Los Negros U21</p> <p>13:10 Yawata vs Mopi Soweto D3</p> <p>14:30 Cosmos vs Souths Utd P/R</p> <p>16:00 Mungkas vs Markham Yarangs U21</p> <p>17:20 Rapatona vs Sunset P/R</p> <p>Namel long wik - Mande 18 Epril</p> <p>Bisini Wan</p> <p>16:30 Raitman vs KB United D3</p>	<p>Prisisen dro</p> <p>Man Pul</p> <p>Pul A</p> <p>TTC Bullets</p> <p>Mungkas</p> <p>PNG Power</p> <p>Rapatona</p> <p>Buko</p> <p>Pul B</p> <p>Unitech</p> <p>Murat</p> <p>Namaemo</p> <p>Bugandi</p> <p>Apotiko</p> <p>Pul C</p> <p>Sobou</p> <p>Guria</p> <p>Bumayong</p> <p>Sambure</p> <p>Pul D</p> <p>Bismark</p> <p>SP Brewery</p> <p>Milne Bay Utd</p> <p>Balob TC</p> <p>Meri Pul</p> <p>Pul A</p> <p>TTC Bullets</p> <p>Mungkas</p> <p>Apotika</p> <p>Rapatona</p> <p>Pul B</p> <p>Unitech</p> <p>Murat</p> <p>Namaemo</p> <p>Bugandi</p> <p>Pul C</p> <p>Sobou</p> <p>Guria</p> <p>Bumayong</p> <p>Sambure</p> <p>Pul D</p> <p>Bismark</p> <p>SP Brewery</p> <p>PNG Power</p> <p>Balob TC</p> <p>Sir Ignatius Kilage Stadium</p> <p>Man na Meri Pul</p> <p>Pul A</p> <p>Sarere 16 Epril, 2005</p> <p>08:00 Bullets vs Rapatona meri TTC</p> <p>09:15 Apotiko vs Mungkas meri</p> <p>10:30 Buko vs Mungkas man</p> <p>11:45 PNG Power vs Rapatona man</p> <p>13:00 Bullets vs Apotiko meri TTC</p> <p>14:15 Bullets vs Buko man TTC</p> <p>15:30 Mungkas vs PNG Power man</p> <p>16:45 Bullets vs Rapatona man TTC</p> <p>Sande 17 Epril, 2005</p> <p>08:00 Rapatona vs Mungkas meri</p> <p>09:15 Buko vs PNG Power man</p> <p>10:30 Mungkas vs TTC Bullets meri</p> <p>11:45 Bullets vs PNG Power man TTC</p> <p>13:00 Mungkas vs Rapatona man</p> <p>14:15 Apotiko vs Rapatona meri</p> <p>15:30 Buko vs Rapatona man</p> <p>16:45 Bullets vs Mungkas man TTC</p>	<p>Man meri pul B</p> <p>TTC Oval 1</p> <p>Sarere 16 Epril, 2005</p> <p>08:00 Unitech vs Namaemo meri</p> <p>09:15 Bugandi vs Murat meri</p> <p>10:30 Apotiko vs Murat man</p> <p>11:45 Namaemo vs Bugandi man</p> <p>13:00 Unitech vs Bugandi meri</p> <p>14:15 Unitech vs Apotiko man</p> <p>15:30 Murat vs Namaemo man</p> <p>16:45 Unitech vs Bugandi man</p> <p>Sane 17 Epril, 2005</p> <p>08:00 Namaemo vs Bugandi meri</p> <p>09:15 Unitech vs Murat man</p> <p>10:30 Apotiko vs Namaemo man</p> <p>11:45 Bugandi vs Murat man</p> <p>13:00 Murat vs Unitech meri</p> <p>14:15 Bugandi vs Apotiko man</p> <p>15:30 Murat vs Namaemo meri</p> <p>16:45 Unitech vs Namaemo man</p> <p>Man na meri pul C</p> <p>TTC Oval 2</p> <p>Sarere 16 Epril, 2005</p> <p>10:00 Sobou vs Bumayong meri</p> <p>11:30 Guria vs Sambure man</p> <p>12:00 Guria vs Sambure man</p> <p>13:30 Sobou vs Bumayong man</p> <p>15:00 Guria vs Bumayong meri</p> <p>16:00 Sobou vs Guria man</p> <p>Sande 17 Epril 2005</p> <p>10:00 Sobou vs Sambure Meri</p> <p>11:30 Bumayong vs Sambure man</p> <p>12:00 Guria vs Sobou meri</p> <p>13:30 Sambure vs Sobou man</p> <p>15:00 Sambure vs Bumayong meri</p> <p>16:00 Guria vs Bumayong man</p> <p>Man na Meri pul D</p> <p>TTC Oval 3</p> <p>Sarere 16 Epril, 2005</p> <p>10:00 Bismark vs Balob TC meri</p> <p>11:30 SP Brewery vs PNG Power meri</p> <p>12:00 Bismark vs Balob TC meri</p> <p>13:30 SP Brewery vs Milne Bay Utd man</p> <p>15:00 PNG Power vs Bismark meri</p> <p>16:00 SP Brewery vs Bismark man</p> <p>Sande 17 Epril, 2005</p> <p>10:00 SP Brewery vs Balob TC meri</p> <p>11:30 Milne Bay Utd vs Balob TC man</p> <p>12:00 PNG Power vs Balob TC meri</p> <p>13:30 SP Brewery vs Bismark meri</p>	<p>15:00 Milne Bay Utd vs Bismark man</p> <p>16:00 SP Brewery vs Balob TC man</p> <p>VOLIBOL Fairfax Sisen propa</p> <p>Sarere 16 Epril, 2005</p> <p>Sir John Guise Indoor Stadium</p> <p>Court 1 (Women)</p> <p>08:30 Trans Hi Way vs Freeway Hox WAR</p> <p>09:40 14 Mixers vs Kakidos WAR</p> <p>10:50 Telikom vs TI Doria WAR</p> <p>12:00 Esi Loan Neibas vs Freeway Hox WA</p> <p>13:10 Telikom vs 14 Mixers WA</p> <p>14:20 Lagoons vs Arnotts WA</p> <p>15:30 Seeto Kui vs Wet WA</p> <p>Court 2 (Women)</p> <p>08:30 Seeto Kui POM vs Arnotts WAR</p> <p>09:40 Dolphins 1 vs Wet WAR</p> <p>10:50 Badili Hides vs Fire Fox WAR</p> <p>12:00 Dolphins vs TI Doria WA</p> <p>13:10 Frenz vs Fire Fox WA</p> <p>14:20 Badili Hides vs Yonkies WA</p> <p>Court 3 (Men)</p> <p>08:30 Telikom vs Badili Hides MAR</p> <p>09:40 Wet vs Fire Fox MAR</p> <p>10:50 Esi Loan Neibas vs Freeway Hox MAR</p> <p>12:00 Frenz vs Seeto Kui POM MA</p> <p>13:10 Moukele vs TI Doria MA</p> <p>14:20 14 Mixers vs Esi Loan Neibas MA</p> <p>15:30 Arnotts vs Yonkies MA</p> <p>Court 4 (Men)</p> <p>08:30 Frenz vs TI Doria MAR</p> <p>09:40 Dolphins vs Arnotts MAR</p> <p>10:50 Moukele vs Kakidos MAR</p> <p>12:00 Dolphins vs Wet MA</p> <p>13:10 Fire Fox vs Freeway Hox MA</p> <p>14:20 Kakidos vs Lagoons MA</p>
<p>SOKA Pot Mosbi Sarere 16 Epril, 2005</p> <p>Bisini Wan</p> <p>08:00 PS Rutz vs Kurti Andra P/R</p> <p>09:20 PS Rutz vs Kurti Andra Un21</p> <p>10:30 UBOG vs Tawala D2</p> <p>11:50 Guria vs Badili Utd D1</p> <p>13:10 Sunset vs Mopi Soweto W1</p> <p>14:30 Bavaro vs Los Negros D1</p> <p>16:00 Cosmos vs Souths Utd P</p> <p>Bisini Tu</p> <p>08:00 University vs LBC Defence</p>	<p>Lahi soka</p>			<p>Sofbol Pot Mosbi meri Gren Fainol Daimion 1</p> <p>10:00 Admiralty vs Dolphins U16</p> <p>12:00 Gazelle vs Wantok B</p> <p>2:00 Gazelle vs Airways Bears A</p>



• (lephan - rait) Osenia judo developmenopisa Andrew Pragnell, Clare Hargrave Osenia Judo Federesen presiden, PNG judo paitman na PNG Judo Federesen presisen John Jambert. OJF i laik strongim judo long PNG. Foto: PAUL ZUVANI




• Oi manki Paga Panthers i tingting bek taim bipo na olsem oi i no givim sans long turangau pilaia bilong Hawks. Tasol laki bilong Hawks em i win 28-26. Foto: ANDREW MOLEN

Joinim PNG surf


PAUL ZUVANI i soim ol poto bilong PNG Surfing Asosiesen we ol poto yet i tokaut olsem tru tru PNG i ples bilong surf we ol manmeri inap pilai spot long en na mekim wok bisnis wantaim.

Ol poto: PNG Surfing Asosiesen websait. Ol poto i soim ol ples na solwara bilong Kavieng na Vanimo.



SURFING i no nupela spot long kantri. Planti nambis manmeri i save long surf. Surfing em kain swim we manmeri i swim antap na wantaim si bruk. Manmeri i ken silip em yet antap long si bruk na swim o em i ken silip antap long wanpela stretpela na i no hevi diwai o palang na swim atarp long si bruk. Tasol nau ol i save sapim ol diwai o mekim strongpela plastik we o ol i save kolim surfing bod bilong ol manmeri i baim na swim antap.

Tru surfing em i spot we ol manmeri i save amamas long en tasol ol i no joinim ol asosiesen. Moa yet planti manmeri i no save olsem surfing i ken manmeri long mekim mani. Nau yet i gat 6-pela Surfing Asosiesen long kantri. Ol asosiesen em Vanimo, Madang, Taurama, Kavieng, Not Solomons na Milen Be. Mama Asosiesen em PNG Surfing Asosiesen, P.O. Box 240, University, NCD. Presiden em Andrew Abel telepon namba +675 326 0884 o long Turism Promotion Opis telepon namba 320 0211. Wanwan yia Surfing i save kisim i kam long kantri K3 milien long ol turis.





Larim tingting stap long ol pilai: Thorn

BIKPELA fowet bilong Brisbane Broncos na bipo pilaia bilong All Blacks Brad Thorn i tok ol bipo biknem ragbi lig pilaia mas stap longwe long ol toktok bilong pilaia na kantri.

Dispela kain ol toktok nau i kamap long yangpela Broncos pilaia Karmichael Hunt long stap long fowet lain.

Thorn i bekim toktok bilong ol selekta we wanpela bilong ol em nau selekta Arthur Beetson husat i tok Thorn wantaim Hunt i mas pilaia long Nu Silan long wanem tupela i kamap long Nu Silan na bihain kam long Australia.

Hunt husat nau i gat 18 krismas we em i pilai long fowet bilong Broncos i lusim Nu Silan na go long Australia 6-pela yia i go pinis.

Hunt i no laik long pilai long sait bilong Nu Silan bihainim askim bilong ol na tok em i laik pilai long sait bilong Kwinslen na Australia.

Tasol em i inap joinim Kiwis na pilai igensim Australia tasol em i no laik.

Na dispela kain pasin bilong ol pilaia i laik pilai long makim narapela kantri i kamap pinis. Sampela em nau Australia fowet Willie Mason husat mama karim long Auckland nad Tonie Carroll long Christchurch.

Tasol wanpela pilaia husat i tok em bai go bek na pilai long makim Nu Silan em West Tigers pilaia Benji Marshall. Marshall i luk olsem nau i bekim bilong ol Kiwi long fowet pek sapos Kiwi kosa Daniel Anderson i go na nok long dua.

Long Thorn em i bin gat sans long pilai na makim Nu Silan long 1995 tasol



• Thorne karim bal na traim long brukim difens.

bihain long em i bungim ol hevi long bodi bilong em em no pilai gen wantaim ol.

Bihain long dispela Thorn i lusim na makim Australia we stat long dispela taim em i bin kamap 8-pela taim long Stet ov Orijin pilai na tupela long taim long makim Australia long Tes Mets.

"Em i no samting bilong blek na wait," Thron i tok.

"Wanwan pilaia i mas mekim disisen bilong em na mi ting ol lain husat i stap na mekim dispela kain ol toktok i no save wanem samting ol pilaia i gat long en.

"Em i hatpela long ol Kiwi. Ol i lukim husat em i Kiwi i pilai long sait bilong

Australia dispela em i hatpela samting bilong long ol.

Thorn bipo i save pilai long Nu Silan All Blacks tasol nau i senis na pilai wantim ragbi lig na makim golf long Australia.

"Pilai long makim Australia em i bikpea hona tasol pilai long makim Stet em i strongpela samting olgeta.

"Mi bin pilai liklik long Australia ruls taim mi liklik manki yet na olsem mi no wari tumas sapos mi lusim bal i pun-daun.

"Mi ting olgeta dispela kain toktok bai pinis na olsem kompetisen nau i wet long husat tru bai winim.

Raun 6

Fraide, Epril 15 - Canterbury Bulldogs vs Sydney Roosters. Yu ken lukim long EMTV long 8.30 long nait.



Sarere, Epril 16 - North Queensland Cowboys vs West Tigers

St George Illawarra Dragos vs Brisbane Broncos
Newcastle Knights vs Warriors

Sande, Epril 17- South Sydney Rabbitohs vs Penrith Panthers. Yu ken lukim dispela long EM TV long 4:00-6:00 avinun



Sea Eagles vs Canberra Raiders
Melbourne Storm vs Paramatta Eels

Bai: Cronulla Sharks

NRL Poin Lata

Klab	P	W	D	L	B	P/D	Pts
1 Raiders	4	4	0	0	1	60	10
2 Sharks	5	4	0	1	0	34	8
3 Sea Eagles	4	3	0	1	1	13	8
4 Wests Tigers	4	3	0	1	1	9	8
5 Storm	5	3	0	2	0	91	6
6 Broncos	5	3	0	2	0	13	6
7 Cowboys	5	3	0	2	0	11	6
8 Warriors	5	2	0	3	0	10	4
9 Panthers	5	2	0	3	0	6	4
10 Rabbitohs	5	2	0	3	0	-3	4
11 Bulldogs	4	1	0	3	1	-9	4
12 Roosters	5	2	0	3	0	-12	4
13 Eels	5	2	0	3	0	-45	4
14 Dragons	5	1	0	4	0	-56	2
15 Knights	4	0	0	4	1	-122	2

* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Rauhihi askim Sing long pilai yet

NU Silan intanesenel Paul Rauhihi i laik wanpela bilong em long North Queensland Cowboys tim Matt Sing i pilai yet long makim Queensland na Australia long ragbi lig. Em i tok ragbi i laikim yet dispela biknem winga long stap na pilai yet.

Sing bihain long wokabout bilong ol long Ingran long ol Trai-Nesen pilai long las yia i bin tokaut olsem em bai pinis long kamap long ol bikpela pilai na plan-ti lain long ragbi lig i ting em bai pinis tasol nogat i luk olsem tingting bilong em i senis nau.

Dispela 30-yia man i no laik long mekim planti toktok long dispela tingting bihain long ol i kisim taim nogut long han bilong ol Cronulla Sharks 38-6 long wiken bilong ol.

Tasol sampela ol opisel i tok Sing bai tokaut long tingting bilong em bihain long em i toktok wantaim meri bilong em Bree.

Tasol ol Australia selekta i makim pinis Sing long stap insait long trening skwat bilong Kangaroo we tim bai pilai wantaim Nu Silan Kiwis long Epril 22.

Rauhihi i wok long toktok wantaim Sing long kamap gen long makim Australia we long pastaim em i bin



Sing. Hap man bilong pilai.

makim pinis kantri 13 taim. Na long makim Queensland em bin kamap 21 taim.

"Mi ting em i mas stap antap wantaim ol top pilaia long ol bikpela pilai," Mi laikim olsem em bai senisim tinting long pilai yet (ol bikpela pilai). Mi tok liklik tasol na long wankain taim toktok long em long go het yet long pilai.

"Mi save em i no mas wet long kisim tingting bilong mi long wanem samting em i mas mekim.

"Mi bai traim tasol long pusim em long pilai. Gem i nidim em.

"Em kain pilaia husat i save mekim

kainkain samting na em bai sem pasin sapos em i no pilai," Rauhihi i tok.

Sing i bin gat tingting long hangapim su bilong em bihain long nem bilong em i stap long lis bilong top 25 pilaia bilong Queensland.

Bikpela samting i mekim em i laik pinis long pilai em long em i no bin stap wantaim meri bilong em taim em i karim pikinini long las yia. Long dispela taim Sing i stap wantaim Australia tim long ol pilai bilong Trai-Nesen.

Taim Sing i gat kain tingting Penrith Luke Rooney bai kisim yet narapela wing olsem em i save pilai long en.

Sharks Bailey ting stap bai bagarapim tim

CRONULLA Sharks bek-rowa Phil Bailey i sapotim kepten bilong em Brett Kimmorley olsem bai long dispela wik i kam long rong taim.

Tes hapbek Kimmorley i tok long kain taim we nau yet ol Sharks i wok long mekim gut long ol pilai bilong ol na olsem ol i no laikim bai i bagarapim dispela poin lada bilong ol long NRL kompetisen.

Las wik ol i hamarim North Queensland Cowboys 38-6.

"Nogat wanpela (pilaia bilong Sharks) i laikim bai nau," Bailey i tok.

"Mipela i stap long pilim gut long pilai bilong mipela na olsem mipela i ron gut.

"Nau mipela i kam long taim nogut we mipela bai mas wet wan en hap wik.

Newcastle na Manly wantaim i tusim pilai bilong ol bihain long ol i stap long bai long dispela yia.

Na dispela i mekim Bailey i pilim olsem dispela malolo em i nogut long ol pilaia.



• Bailey painim sapot long ron.

Australia skwat

Australia pilaia em Luke Ryan, Jason Ryles, Matt Bailey, Shaun Berrigan, Sing, Billy Slater, Willie Tonie Carroll, Petero Tonga, Trent Waterhouse Civoniceva, Craig and Craig Wing. Fainol Fitzgibbon, Craig Gower, Nathan Hindmarsh, Ben Kennedy, Brett Kimmorley, Luke Lewis, Darren Lockyer, Anthony Tes pilai wantaim Niu Silan Minichiello, Mark O'Meley long Suncorp Stedum long Steve Price, Luke Priddis, Brisbane long amamsim Luke Rooney, Andrew ANZ De.

Sir John kisim bikpela luksave

Andrew Molen i raitim

SEKETERI-Jenerel bilong Papua Niugini Spots Federesen, Sir John Dawanicura i kisim bikpela luksave stret long sait bilong spots long wol.

Sir John husat i bin kambek long Tunde bihain long Intanesenel Olimpik Komiti (IOC) i givim em dispela Olimpik Awod long makim bikpela wok em i mekim long sait bilong spots edministresen long PNG.

Taim presiden bilong IOC, Jacques Rogge i givim dispela awod em i tok; "Long dispela de yumi onaim wanpela man husat i givim laip bilong em long developim na promotim spots insait long kantri bilong-em na ausait wantaim.

"Long makim luksave long ol hatwok bilong yu, na long wok bilong yu long helpim on bilong Olimpik aninit long ol lo bilong Olimpik Piere de Coubertin i raitim, mi givim dispela awod bilong Olimpik Oda."

Mr Rogge i tok Sir John i putim PNG long wol map bilong spots.

"PNG em i namba tu kantri insait long Pasifik long kisim dispela awod.

"Dispela em i silva awod na long pasifik, em i bikpela awod stret na mi amamas long Sir John husat i kisim dispela awod," Presiden bilong PNGSF, Sir Henry ToRobert i tok.

"John i givim olgeta save na wok bilong em i go long sait bilong developim na promotim spots insait long PNG na nau em i 40 yia olgeta we John i stap olsem Seketeri-Jenerel bilong PNGSF insait long wok bilong spots," Sir Henry i tok.

Em i tok i gat narapela ol i mekim long en tasol nogat wanpela kantri long Pasifik bai inap long kisim dispela bilong wanem ol i save givim gol i go long ol lain husat i save ogenaism ol Olimpik gems na ol bikman bilong ol bikpela kantri husat i holim olimpik gems long kantri bilong ol.

"Long dispela as, silva awod em i bikpela tru long Pasifik," Sir Henry i tok.

Andrew Lepani husat i makim maus bilong ol etlits o ol lain bilong pilai i tok planti ol yangpela etlits i save lukim Sir John olsem papa bilong ol.

"Em i save helpim mipela long painim ol spona na bungim mani long helpim mipela long i go pilai na wanem samting

mipela i laikim long helpim pilai bilong mipela em i save helpim mipela," Lepani i tok.

Sir John i toktok wantaim ai-wara taim em i tok amamas bilong em long dispela awod.

"Mi amamas long dispela awod tasol em i no bilong mi yet, em bilong kantri tu. Mi laik tok tenkyu i go long meri na famili bilong mi husat i stap wantaim mi long olgeta samting na tu long olgeta spona, ol etlit na olgeta lain husat i wok wantaim mi na i helpim mi long sampela kain we," Sir John i tok.

Sir John i kolim nem bilong bipo ONOC Seketeri-Jenerel Judy Patching na Brian Wightman husat i dai pinis na Sir Henry olsem sampela bilong ol lain husat i helpim em long kamapim olsem nau.

Sir John i stat olsem wanpela ragbi union pilaia bilong PNG we i lukim em i winim gol na silva long saut pasifik gems na bihain em i makim kantri olsem wanpela edministreta bilong spot long PNG.

Sir John i stap long 8-pela Saut Pasifik gems, sikspela Mini-Saut Pasifik gems na 5-pela Komonwelt Gems i nap nau.

Hap Hap Spot Pot Mosbi rot rana

LAS wik Sarere ol lain bilong Pot Mosbi rot rana i bin bung long 'status', rot i bungim Waigani Drive na Friwei. Apinun i bin kol liklik na ren wantaim na ol rana i mekim gutpela spit long tupela resis, 3.9 na 7.8 kilomita. Ol rana i bin raunim bikpela hap long Gordons na husat i bin ronim longpela resis i bin tanim na go bek long narapela rot.

Namba wan posisen long 3.8 km resis i go long Peter Nula husat i ron long taim 14.08 minit na bihainim em em Gordon Wing husat i kamap long taim 14.4 minit. Namba tri posisen i go long Stuart Bury husat i kamap long 15.15 minit na klostu long em em Akis Ivia long 15.20 minit. Lapun Hugh Davis i makim 70 krismas bilong en na em i pinis long 3.8 km long 27.01 minit.

Long longpela resis Milton lakosi na David Ruben i bin givim spit tru na kisim namba wan na namba tu ples wantaim; lakosi long 27.12 minit na Ruben long 27.23 minit. Kesa Nathan i kisim namba tri ples long kamap 28.16 minit na Deanne Turnbull i kamap namba wan meri long pinisim resis long 38.22 minit. Mary Richardson na Paul Crouch Chivers i bin ron klostu klostu tasol Richardson i abrusim Paul na kamap 5 seken pastaim long Paul long taim 43.45 minit na Paul long 43.50 minit. Dispela longpela resis i mekim poin i go long Endurance Challenge.

Hawks i strong tumas

Andrew Molen i raitim

BROTHERS nau yet i bosim Pot Mosbi ragbi lig resis.

Yes, faipela raun i go pinis na ol i no lusim wanpela gem bilong ol yet we i lukim ol i go pas wantaim 12 poin.

Brothers wantaim ol gutpela pilaia bilong ol olsem senta Wilfred Henry, winga na bipo intanesenel ragbi union pilaia, Leroy Muriki, pawa haus fowet, Chris Lome na Andrew Norman i kamapim wanpela strongpela tim we i lukim ol i save givim hat taim long ol arapela.

Namba wan gem bilong Brothers em i bin wantaim Souths husat ol i bungim long gren fainel bilong 2004 we Souths i bin win.

Tasol taim ol i bung gen long raun wan long dispela sisen, Brothers i bekim dinau wantaim 30-8 skoa.

Dispela wiken bai ol i lukluk long surukim yet gutpela rekot bilong ol na traim long stap antap yet bilong wanem Post Puma, Tarangau na Magani i no stap longwe long ol na ol tu i laikim dispela sia bilong ol.

Long bikpela pilai bilong Sande i go pinis, Hawks i pait strong tru long pasim Paga Panthers husat ol i kam bek strong long seken hap tasol taim i sot we i lukim ol i lus 28-26.

Long hap taim skoa i stap olsem Hawks 18 na Paga 4 tasol long seken hap planti samting i senis. Hawks i bikhet long Paga long fes hap we i lukim ol i skoaim ol stail trai na difens bilong Paga i no bin inap long pasim ol.

Long seken hap Hawks husat ol i gat planti ol traipela man i luk olsem ol i tait liklik na ol manki Paga i kisim sans long dispela na yusim spit bilong ol long skoaim ol trai hariap.

Pedro Marisa i bin skoaim wanpela trai bilong ol long fes hap tasol long seken hap em i skoaim las trai bilong ol na pawa haus senta Nene Moide wantaim stail hap bek Lee Naden i skoaim ol arapela trai. Lee i skoaim tupela trai we i lukim em i no kisim helpim long wanpela man.

Long fes wan em i kisim bal long skram 5 mita ausait long trai lain bilong Hawks na ron tasol i go skoa aninit long pos na long namba tu trai, em i sait step raunim foapela difenda bilong Hawks pastaim long em i silip long trai lain.

Hawks tu inap long i go long we moa wantaim skoa bilong ol tasol planti ol kik bilong ol i kranki na Paga i orait wantaim kika bilong ol na huka, Ronny Mogawa husat i kikim tripela long foapela kik bilong em i go insait.



• Pilaia bilong Hawks i painim rot long taim ol i pilai wantaim Panthers long men pilai long Sande. Hawks win 28-26. Foto: ANDREW MOLEN

Elcom hangamapim Manalos

Andrew Molen i raitim

LONGPELA wet bilong Elcom i pinis long Sarere taim ol i winim Pot Mosbi sofbol kompetisen bilong ol man agensim Manalos 5-2.

Elcom i no bin winim wanpela sofbol primiasip inap 13-pela yia olgeta na dispela drai wara bilong ol nau i pulap gen.

Kosa bilong Elcom, Isikiel Tovia i wet 13-pela sisen olgeta long kamap long dispela de.

Laspela taim ol i go long gren fainel em ol i bin lus na ol arapela taim ol i save go klostu tasol i save wara nating i kam inap nau.

Dispela win bilong ol long gren fainel i go wantaim gutpela sisen bilong ol we i lukim Elcom i winim inap klostu olgeta gem bilong ol na kisim maina primiasip taitel tu.

Long de bilong gren fainel, liklik ren i pudaun tasol em i no kolim pawa bilong Elcom.

Em i bin wanpela de bilong Tovia famili tu we i lukim tripela brata, Daniel, Demas na Isikiel (Jnr) i go pas long skoaim ol ran aninit

long was bilong kosa na papa bilong ol, Isikiel (Snr).

"Mi amamas tasol olsem em i pinis nau," Tovia i tok. "Mi wet longpela taim tru....mi no save wanem samting long tok nau, mi amamas tasol.

"Mipela i gat ol gutpela yangpela pilaia husat ol i pas wantaim long ol sisen i kam maski mipela i no ron gut long sampela sisen.

"Mipela i laik dediketim win bilong mipela i go long William Daniel husat i stap nau long haus sik," Tovia i tok.

Daniel em i papa bilong sot-stop bilong Elcom, Simon Daniel na em i bin wanpela long taim pilaia bilong Elcom na edministreta tu.

Win bilong Elcom i no kam isi we i lukim ol i stap ananit long Manalos 2-0 long fes tupela inings tasol ol i painim rot bilong ol i kam inap ol pinis long antap.

Manalos i no westim taim long bet na ketsa na fes beta Ora Gimi wantaim Henry

James i skoaim fes tupela poin bilong ol.

Tripela brata bilong Tovia famili i go aut pas long bet tasol ol na ol arapela i kam bihain long ol i no i nap long pitsa bilong Manalos, Isimel Marnapai husat i wok long paiaim bal spit tru.

Long seken ining Elcom i strongim fil bilong ol na tupela tim wantaim i no skoaim wanpela ran long dispela ining.

Namba tri ining tu i nogat skoa tasol long namba foa ining Daniel Tovia i luksave long ol bal bilong Marnapai na em i givim wanpela i go daun long graun na ron i go long seken bes.

Bikpela brata bilong em, Isikiel Tovia (Jnr) i kam na paitim wanpela bai gen long go long seken bes na tu salim Daniel i kam long hom bes long kisim fes poin bilong ol.

Bihain long dispela Isikiel i stilim ol bes i go inap em i kamap long hom bes taim Marnapai i tromoi wanpela lus bal.

Seken-bon brata Demas tu i laik givim han long tupela brata bilong em na em tu i kam

long hom bihain long Eddie Simba i paitim wanpela pawa bal i go long autfil na putim ol i go pas long gem 3-2.

Long hap Manalos i bin i gat planti sans tasol ol i no kisim gut sans bilong ol na dispela i givim hat wok long ol yet.

Ol gutpela beta bilong Manalos olsem Paul Bogan, Daniel Evald, Ora Gimi, David Maira, Robert Livingood, Saga Gimi na Guy Kila i no mekim gut wok bilong ol.

Pitsa bilong Elcom, Nelson Kiap i no isi long ol beta bilong Manalos wantaim ol bal bilong em.

Ol sapota bilong tripela brata ya i singaut gen taim Daniel i skoaim wanpela moa ran taim Isikiel i paitim bal long pasim dua olgeta long ol Manalos, Eddie Simba i givim wanpela hom ran long namba siks ining long kisim skoa bilong ol i go 5-2 we gem i pinis long en.

Long B-gred Airways Bears husat ol man i sapotim long win i mekim save long Brown Eagles long win wantaim wankain skoa 5-2.



WANTOK SPOTS



Gazelle, Bears bung ... long Mosbi meri gren fainol

Paul Zuvani i raitim

BEARS gen o Gazelle? Em askim nau i raun insait long Pot Mosbi meri sofbol long taim tupela tim i wok long putim was long tupela yet long gren fainol pilai long dispela Sarere.

Tupela tim i gat rekod bilong win na olsem i hat long tok klia husat tru bai win.

Bears i bin kisim tasol long Gazelle long 2002-2003 sisen na nau tupela i traim gen.

Gazelle i maina primia bilong dispela sisen bihain long ol i pasim Bears 9-6 long semi fainol pilai.

Na sapos Gazelle i laik win bai lukluk long dispela win long stronging tingting bilong em. Moa yet em bai save pinis long wanem kain stail em bai yusim long stopim Bears.

Gazelle i gat save bilong bat na fil. Ol inap long ridim pilai na i save long wanem hap bilong tromoi bal.

Long go pas long ol em pitsa Easton Puipui. Puipui i gat nem bilong tromoi bal na i save givim planti het pen long ol batmeri. Sapos em i ken sutim wankain bai i nogat wanpela Bears inap long kisim em.

Tasol long win em yet i no inap em nidim ol narapela pilai. Long helpim na stap long namba wan bes em Jenny Pilak. Pilak bai lukim olsem ol Bears i no mas ron i kam long fes bes. Wantaim em Metchil Raymond na Grace Wanma. Ketsa em Tessie Komek. Ol narapela husat i sambai long stopim Bears em tupela susa Maggie na Freda Sam, Julie Ria, Shirly Kaliment, Lydia Veali, Metchil Tongia Jnr, Pala Manet na Matilda Pondek.

Meri husat i go pas long Gazelle Metchil Tongia i tok tim bilong em i redi tasol long pilai.

"Em bai wanpela strongpela pilai bilong mipela tasol husat tim i no mekim planti asua bai win long dispela de," Tongia i tok.

"Mipela i tren gut, i nogat wanpela pilaia bilong mipela i gat hevi na olsem mipela i lukluk tasol long kamapim gutpela pilai," em i tok.

"Las bung bilong mipela i lukim ol Bears i painim hat liklik long pilai na dispela i wankain long ol long tas wiken we ol i pilai wantaim SP.

"Sapos ol i gat wankain hevi mi ting tim bilong mi i ken abrusim ol tasol.

"Long win olgeta pilaia i mas kamapim gutpela pilai.

Tasol long wankain taim Bears i olupela dok.

Olsem tok i stap 'Yu no inap trikim olupela dok wantaim nupela ol trik,' Bears tu i wankain.



Famili...Famili amamas long papa na bubu kisim Olimpik medol. PNG Spot Federeesen Seketeri Jenerel, Sir John Dawanincura (sanap namel wantaim medol long nek) i kisim Intanesenel Olimpik silva medol awot long wok bilong em wantaim spot. Long bungim em long ples balus em pikinini man Steven (I), Dianne (baksait) na Simone. Fran em ol bubu Keiren (I) na Trent. Lukim stori long pes 31.

Poto: PAUL ZUVANI

Em i lain pinis na sapos Gazelle i ting em bai soim nupela stail Bears bai i no inap paul.

Long winim gren fainol ol save pinis na sapos ol i putim het wantaim na ting ol i mas win gen long dispela sisen na difenim taitol bilong ol nogat wanpela samting inap stopim ol. Long go pas long ol em pitsa Maggie Joseph.

Joseph bai kisim sapot long ol pilaia olsem Terry Akorare,

Roberta Kaul, Matilda Moe, Janice Soweri na Antonia Taitai. Wantaim kain lain-ap ol inap helpim Bears long win.

Long ol narapela gret em Anda 16 Admiralty bai pilai wantaim Dolpins na long B Gret Gazelle bai pilai wantaim Wantok.

Anda 16 na B Gret pilai bai kamap pas long moning na olgeta pilai bai kamap long Bisini Daimon 1.

30% OFF ALL 2005 DIARIES

Only While Stocks Last!

THEODIST LTD
THE STATIONERY SUPERMARKET

Port Moresby - Waigani Drive
Tel: 325 6500. Fax: 325 0302

Lae - Milfordhaven Rd
Tel: 472 5488. Fax: 472 7838